



**RELACIÓN DE ACORDOS APROBADOS POLA DEPUTACIÓN PROVINCIAL DA CORUÑA NA SESIÓN PLENARIA ORDINARIA DE 26 DE ABRIL DE 2024.**

**Información e actas**

1. Aprobación da acta da sesión anterior, número 4/2024, de 1 de abril.
2. Dación de conta das Resolucións da Presidencia desde o 23 de marzo ata o 19 de abril de 2024.

**Comisión de Política Social, Educación e Mocidade**

3. Aprobación da concesión de subvención nominativa á Asociación Comité Ciudadano Anti-Sida Coruña-CASCO para cofinanciar o Mantemento da rede de pisos de acollida durante o ano 2024 e do correspondente convenio de colaboración.

**Comisión de Infraestruturas Viarias e Obras Provinciais**

4. Aprobación do proxecto da obra DP4803 Reforzo do firme na DP4803 pq 0+000 ao 4+000 (Miño), incluído no Plan de Conservación 2024
5. Aprobación do proxecto da obra DP0106 Mellora da capa de rodaxe con MBQ na DP-0106 San Vicente de Vigo a Oza dos Ríos punto quilométrico. 8+200 - 13+220 (Oza Cesuras) incluído no Plan de Conservación 2024
6. Aprobación técnica do proxecto da obra DP 5905 Mellora da seguridade viaria na estrada a Poulo dende a DP 3802 Ordes a Pontecarreira. Punto quilométrico 0+000 ao 1+300 (ORDES); incluída no Plan de Sendas Peonis 2024
7. Desestimación do Recurso de reposición interposto contra o acordo plenario de 24 de febreiro de 2023 polo que se aproba a Aprobación técnica do proxecto da obra DP 1502 Porto a Laraxe. Mellora da seguridade vial PQ. 0+970 AO 2+305 (CABANAS), incluído no Plan de Inversións de Vías Provinciais (VIPI) 2023, primeira fase."
8. Aprobación do proxecto da obra DP7603 Mellora de capa de rodaxe con mestura bituminosa en quente; Feira de San Sadurniño a O Coval punto quilométrico 0+300 ao 4+200 (San Sadurniño), incluído no Plan de Conservación 2024

**Comisión de Contratación, Patrimonio e Equipamentos**

9. Aprobación do convenio de cooperación entre a Excelentísima Deputación Provincial da Coruña e o Concello de Malpica de Bergantiños polo que se instrumenta unha subvención nominativa para a adquisición de tractor-desbrozadora e camión-grúa.
10. Aprobación da adxudicación do segundo contrato baseado no acordo marco para a prestación dos servizos incluídos no proxecto de transformación dixital nas Entidades Locais da provincia da Coruña (TEDeC e plataformas complementarias).



### **Comisión de Plans Provinciais e Asistencia a Municipios**

11. Aprobación do proxecto modificado do investimento denominado "Mellora de vias municipais: rúa Casás, Roibeiras e Simou", do Concello de Mugardos, incluído na 1ª Fase do Plan provincial de cooperación ás obras e servizos de competencia municipal (Plan único de concellos) POS+Adicional 2/2023, co código 2023.2102.0380.0 levantamento das condicións ás que quedou sometido e aprobación definitiva deste investimento

12. Aprobación do proxecto modificado do investimento denominado "Ampliación da Ponte do Allo do Concello de Zas", incluído no Plan provincial de cooperación ás obras e servizos de competencia municipal (Plan único de concellos) POS+ Adicional 2/2021 2ª e derradeira fase co código 2021.2102.0648.0

13. Aprobación do proxecto modificado do investimento denominado "Reparación fachadas centro social e acceso exterior" do Concello de Zas, incluído no Plan provincial de cooperación ás obras e servizos de competencia municipal (Plan único de concellos) POS+ Adicional 2/2021 2ª e derradeira fase co código 2021.2102.0649.0

### **Comisión de Facenda, Especial de Contas, Recursos Humanos e Avance Dixital**

14. Aprobación da toma de coñecemento da información do período medio de pago a provedores (PMP) e da relación detallada das facturas pagadas pola Deputación provincial e polo Consorcio Provincial Contraincendios e Salvamento da Coruña, correspondente a marzo de 2024.

15. Dación de conta do informe sobre o estado da tramitación das facturas da Deputación provincial e da remisión ao Ministerio de Facenda dos informes de Morosidade da Entidade e do seu ente dependente (Consorcio Provincial Contraincendios e Salvamento da Coruña) correspondente ao primeiro trimestre de 2024.

16. Aprobación inicial do expediente de modificación de créditos 2/2024 de aprobación polo Pleno.

17. Aprobación inicial da modificación da ordenanza fiscal número 10 reguladora da taxa por servizos no Conservatorio de Danza.

### **Comisión de Industria, Emprego, Política Demográfica e Medio Ambiente**

18. Aprobación da formalización dun convenio administrativo de colaboración co Centro de Extensión Universitaria e Divulgación Ambiental de Galicia (CEIDA) para cofinanciar o Programa de educación, capacitación, divulgación e participación ambiental: para unha transición ecolóxica 2024.

ACTUACIÓN DE CONTROL:  
MOCIÓNS

Moción que presenta o Grupo Provincial Popular de a Deputación de A Coruña, sobre a normativa respecto dos galiñeiros de autoconsumo.

Moción que presenta o Grupo Provincial Popular de A Deputación de A Coruña, en apoio á implantación da Fábrica de fibras téxtiles en Palas de Rei



**Deputación**  
DA CORUÑA

Moción que presentan os Grupos Provinciais do PSdeG-PSOE e BNG relativa o financiamento da Xunta de Galicia do Servizo de axuda no fogar



**Deputación**  
DA CORUÑA

**1.- Aprobación da acta da sesión anterior, número 4/2024, de 1 de abril.**

Apróbase a acta da sesión anterior, número 4/2024, de 1 de abril.



**Deputación**  
DA CORUÑA

**2.- Dación de conta das Resolucións da Presidencia desde o 23 de marzo ata o 19 de abril de 2024.**

Dáse conta das Resolucións da Presidencia desde o 23 de marzo ata o 19 de abril de 2024.



**3.- Aprobación da concesión de subvención nominativa á Asociación Comité Ciudadano Anti-Sida Coruña-CASCO para cofinanciar o Mantemento da rede de pisos de acollida durante o ano 2024 e do correspondente convenio de colaboración.**

1.- Aprobar a concesión de subvención nominativa, por importe de **60.000,00 €**, á Asociación Comité Ciudadano Anti-Sida Coruña.CASCO para cofinanciar o *Mantemento da rede de pisos de acollida durante o ano 2024*, cun orzamento subvencionado de 277.624,50 €, de acordo co texto do convenio que se achega.

2.- Exceptuar para o presente convenio os principios de concorrencia, publicidade, igualdade e non discriminación na tramitación do presente expediente, dada a existencia de causas excepcionais que xustifican a concesión da subvención nominativa, por entender que se dan razóns suficientes de interese público no outorgamento da subvención. Estes principios atópanse recollidos nos artigos 22.2 da Lei xeral de subvencións e 65 a 67 do seu regulamento.

Coa motivación incorporada ao expediente e a proposta da Presidenta da Comisión de Política Social, Educación e mocidade, levántase a nota de reparos emitida pola Intervención da Deputación no seu informe de 18 de marzo de 2024.

3.- Subordinar o presente acordo ao crédito que para o Exercicio de 2025, autorice o correspondente Orzamento.

**Convenio de colaboración entre a Deputación Provincial da Coruña e a Asociación Comité Ciudadano Anti-Sida de Coruña-CASCO polo que se instrumenta unha subvención nominativa para o cofinanciamento do *Mantemento da rede de pisos de acollida durante o ano 2024*.**

Na Coruña, a

**REÚNENSE**

D/Dna.\_\_\_\_\_ en nome e representación da Deputación Provincial da Coruña,

D/Dna.\_\_\_\_\_ en nome e representación da Asoc. Comité Ciudadano Anti-Sida de Coruña

Os comparecentes interveñen en uso das facultades que, por razón dos seus cargos, estalles atribuídas

**EXPOÑEN**

1.- Que a Asociación Comité Ciudadano Anti-Sida de Coruña-CASCO é competente conforme aos seus estatutos art. 3, c) que indican que desenvolverán entre outras a actividade de promover e desenvolver pisos de acollida para persoas con VIH/SIDA, sen recursos.

2.- Que a Deputación da Coruña, é competente para a colaboración prevista no convenio, de conformidade coa Lei de Bases de Réxime Local 7/85 de 2 de abril , art. 36 e coa Lei

de Admón. Local de Galicia 5/97, art. 109 e 119, así como co disposto na Lei de Servizos Sociais de Galicia 13/2008, art. 61 a 63.

**3.-** Que, dado o interese coincidente da Deputación da Coruña e da Asociación Comité Ciudadano Anti-Sida de Coruña-CASCO, ambas as dúas partes acordan formalizar o presente convenio de colaboración conforme ás seguintes

## CLÁUSULAS

### I.- Obxecto.

O presente convenio ten por obxecto a fixación das bases de outorgamento dunha subvención nominativa por esta Deputación a prol da **Asociación Comité Ciudadano Anti-Sida de Coruña-CASCO**, con CIF G15279219, fixando as condicións que se impoñen por esta administración concedente e os compromisos asumidos pola entidade beneficiaria para o financiamento parcial do **Mantemento da rede de pisos de acollida durante o ano 2024**.

### II.- Orzamento de gastos da actividade que ha realizar a entidade beneficiaria.

A Asociación Comité Ciudadano Anti-Sida de Coruña-CASCO levará a cabo as actividades programadas, segundo se definen na cláusula anterior, consonte ao seguinte orzamento:

Concepto		Importe
Gastos do persoal do piso de acollida VIH	Soldos e salarios	124.359,00 €
	Seguridade Social	39.769,65 €
Gastos do persoal do piso de inserción	Soldos e salario	85.995,00 €
	Seguridade Social	27.500,00 €
<b>Total</b>		<b>277.624,50 €</b>

### III.- Financiamento provincial e outros ingresos que se obteñan ou acheguen para a mesma finalidade

**1.** A Deputación da Coruña contribuirá ao financiamento da actividade, tal como se define na cláusula primeira, cunha achega máxima de **60.000,00 €**, o que representa unha porcentaxe de **21,61 %**.

A contía restante, ata acadar o importe total do orzamento da actividade, está financiado con cargo a recursos propios ou alleos, acreditando a entidade beneficiaria que ten consignado o crédito adecuado e suficiente para imputar a totalidade do gasto imputable á entidade.

No caso de que o gasto xustificando non acadase o importe total previsto na cláusula segunda, a Deputación só achegará o importe que represente o **21,61 %**, da cantidade efectivamente xustificada.

2. Agora ben, se a cantidade xustificada resulta inferior ao 75% do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3. O importe do financiamento provincial farase efectivo con cargo á aplicación orzamentaria 0611/23121/481, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

4. A subvención da Deputación é compatíbel coa percepción doutras subvencións ou axudas, públicas ou privadas, que a Asociación Comité Ciudadano Anti-Sida de Coruña-CASCO obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

5. No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

#### **IV.- Contratación e execución.**

1. O outorgamento dos contratos de servizos, asistencia ou subministracións necesarios para a execución da actividade corresponderalle á Asociación Comité Ciudadano Anti-Sida de Coruña-CASCO.

Non se poderá contratar a realización de prestacións con persoas ou entidades vinculadas á Asociación Comité Ciudadano Anti-Sida de Coruña-CASCO, nin con calquera outra na que concorra algunha das circunstancias ás que se refire o artigo 29.7 da Lei 38/2003, do 17 de novembro, xeral de subvencións.

2. Se o importe dalgunha das prestacións supera os 15.000 €, con carácter previo á contratación, a Asociación Comité Ciudadano Anti-Sida de Coruña-CASCO deberá solicitar polo menos tres orzamentos a distintos provedores.

Entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

#### **V.- Publicidade do financiamento provincial.**

1. Na publicidade pola que se dea a coñecer a realización das actividades da Asociación Comité Ciudadano Anti-Sida de Coruña-CASCO, ben sexa por medios escritos, radiofónicos ou televisivos, audiovisuais ou internet, carpa e accesorios, etc. deberase facer constar sempre o financiamento da Deputación Provincial da Coruña.

2. Coa memoria e conta xustificativa achegaranse documentos que acrediten o cumprimento desta obriga da Asociación Comité Ciudadano Anti-Sida de Coruña-CASCO.

#### **VI.- A xustificación necesaria para recibir a achega provincial.**

A achega da Deputación seralle aboada á Asociación Comité Ciudadano Anti-Sida de



Coruña-CASCO unha vez asinado o convenio e logo que se presente de xeito telemático, a través da plataforma subtel, a seguinte documentación:

\* **Memoria de actuación**, subscrita polo representante legal da Asociación Comité Ciudadano Anti-Sida de Coruña-CASCO, xustificativa do cumprimento das condicións impostas neste convenio, coa indicación das actividades realizadas e dos resultados obtidos.

\* **Relación clasificada dos gastos** realizados,(con IVE e Sen IVE) no que se indiquen os acredores co seu NIF, os documentos xustificativos, os importes e, no seu caso, datas de pago; tamén se indicarán as desviacións con respecto ao orzamento detallado na cláusula segunda.

Con esta relación achegaranse copia das facturas e demais xustificantes de gasto.

\* **Certificación** da aprobación das facturas e demais documentos xustificativos polo órgano competente.

Os gastos e as correspondentes facturas referiránse exclusivamente ás actividades realizadas durante o ano 2024.

\* **Relación** detallada das subvencións ou axudas obtidas doutras administracións públicas ou entidades privadas para o mesmo obxecto ou, pola contra, declaración de non telas.

\* **Acreditación** do cumprimento das obrigas tributarias e coa Seguridade Social, segundo o previsto na cláusula oitava.

\* **Acreditación** do cumprimento da obriga de facer constar a colaboración da Deputación en toda a información (impresa, informática ou audiovisual) que se teña feito das actividades subvencionadas, establecida na cláusula quinta.

## **VII. Termo para a realización da actividade e prazo de xustificación**

**1.** As actividades que son obxecto de financiamento provincial, tal como están descritas na cláusula primeira realizaranse entre o **1 de xaneiro e o 31 de decembro de 2024**.

**2.** Unha vez rematadas as actividades, a Asociación Comité Ciudadano Anti-Sida de Coruña-CASCO deberá presentar a xustificación documental á que se refire a cláusula sexta antes do **31 de marzo de 2025**.

**3.** De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a unidade xestora remitiralle un requirimento á Asociación Comité Ciudadano Anti-Sida de Coruña-CASCO para que a presente no prazo improrrogable de **quinze días**.

A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional

non eximirá á Asociación Comité Ciudadano Anti-Sida de Coruña-CASCO da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable lle poida corresponder.

4. O aboamento da subvención materializarase mediante ingreso na conta da entidade financeira indicada pola Asociación Comité Ciudadano Anti-Sida de Coruña-CASCO.

#### **VIII.- Acreditación do cumprimento das obrigas tributarias e coa Seguridade Social.**

1. A Asociación Comité Ciudadano Anti-Sida de Coruña-CASCO deberá acreditar, con carácter previo á sinatura deste convenio e logo, con carácter previo ao pago da subvención, que se atopa ao día no cumprimento das obrigas tributarias coa Administración do Estado, coa Comunidade Autónoma e coa Seguridade Social; e, para tal fin poderá autorizar á Deputación a que obteña telemáticamente os correspondentes certificados.

2.- A acreditación do cumprimento das obrigas tributarias coa Deputación Provincial determinarse de oficio por esta.

#### **IX.- Destino e manexo dos fondos recibidos.**

1. A Asociación Comité Ciudadano Anti-Sida de Coruña-CASCO destinará os fondos recibidos ao pagamento dos xustificantes de gasto presentados.

2. Co fin de garantir un adecuado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor. Só excepcionalmente se poderá realizar o pago en metálico para gastos de ata 150 €, nos que non resulte posíbel a utilización dun dos medios anteriormente indicados.

3. Sen prexuízo dos libros e rexistros contables que as normas xerais ou sectoriais lle poidan impor, a Asociación Comité Ciudadano Anti-Sida de Coruña-CASCO deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificados e aos ingresos declarados con respecto a esta subvención.

#### **X.- Control financeiro da Deputación e dos órganos de control externo.**

1. Consonte ao disposto nos artigos 44 e seguintes da Lei 38/2003, do 17 de novembro, xeral de subvencións, e nos artigos 41 e seguintes da Lei 9/2007, do 13 de xuño, de subvencións de Galicia, a Asociación Comité Ciudadano Anti-Sida de Coruña-CASCO poderá ser escollida pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.

2. Asemade, de acordo co disposto na Lei 6/1985, do 24 de xuño, do Consello de Contas de Galicia, a Asociación Comité Ciudadano Anti-Sida de Coruña-CASCO queda sometida aos procedementos de fiscalización que leven a cabo o Consello de Contas de Galicia

ou, no seu caso, segundo o disposto na Lei orgánica 2/1982, do 12 de maio, aos procedementos de axuízamento contable que poida incoar o Tribunal de Contas, e a calquera outro órgano de control, nacional ou europeo.

#### **XI.- Reintegro, infraccións e sancións.**

1. O incumprimento dalgunha das cláusulas previstas no presente convenio de colaboración poderá lugar á obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciárase de oficio na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2. Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.

3. Para os supostos de retraso na realización das actividades ou retraso na presentación da xustificación se estará ao disposto na ordenanza provincial de desenvolvemento que resulte aplicable.

#### **XII.- Incorporación ao rexistro público de subvencións e publicación da subvención concedida.**

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da Asociación Comité Ciudadano Anti-Sida-CASCO serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto e co debido respecto á protección dos datos de carácter persoal, segundo o previsto na Lei orgánica 3/2018, de 5 de decembro, de protección de datos persoais e garantía dos dereitos dixitais.

2. Asemade, no cumprimento do disposto no artigo 16.3 da Lei 9/2007, do 13 de xuño, de subvencións de Galicia, a Deputación remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.

3. Segundo o disposto no artigo 18 da Lei 38/2003, do 17 de novembro, xeral de subvencións, a concesión da subvención á Asociación Comité Ciudadano Anti-Sida de Coruña-CASCO será publicada no Boletín Oficial da Provincia da Coruña e na páxina web dacoruna.gal

4. Un exemplar deste convenio, debidamente asinado, será incorporado ao rexistro de convenios que depende do Servizo de Patrimonio e Contratación da Deputación.

#### **XIII.- Vixencia do convenio, prórroga ou modificación.**

1. O prazo de vixencia do presente convenio finalizará o **31 de maio de 2025** e terá

efectos retroactivos, polo que as actividades contempladas nel poderán terse feito desde o **1 de xaneiro de 2024**.

Esta vixencia queda subordinada á existencia de crédito adecuado e suficiente que para o Exercicio de 2025 autorice o correspondente Orzamento.

**2.** Previa solicitude da Asociación Comité Ciudadano Anti-Sida de Coruña-CASCO, realizada alomenos un mes antes da fin da vixencia do convenio, poderá ser prorrogado o convenio por acordo expreso de ambas as dúas partes, previos os informes preceptivos da Unidade Xestora, do Servizo de Patrimonio e Contratación, da Secretaría e da Intervención da Deputación

**3.** Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

#### **XIV.- Natureza, interpretación e xurisdición competente.**

**1.** O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, do 18 de novembro, xeral de subvencións, e na Lei 9/2007, do 13 de xuño, de subvencións de Galicia. Supletoriamente aplicarase a lexislación de contratos do sector público.

**2.** A interpretación das dúbidas e lagoas que poidan xurdir na aplicación do presente convenio corresponderalle ao presidente da Deputación, logo dos informes previos preceptivos da Unidade xestora, da Secretaría e da Intervención provincial.

**3.** Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora da dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por \_\_\_\_\_

E en proba de conformidade asinan por duplicado exemplar o presente convenio, no lugar e data indicados no encabezamento.

**4.- Aprobación do proxecto da obra DP4803 Reforzo do firme na DP4803 pq 0+000 ao 4+000 (Miño), incluído no Plan de Conservación 2024**

1.- Aprobar o proxecto DP4803 REFORZO DO FIRME NA DP4803 PQ 0+000 AO 4+000 (CONCELLO DE MIÑO) que se integra no Plan de Acondicionamento - Conservación en Vías provinciais 2024, cun orzamento total de 540.879,49 € con cargo á aplicación 2024/0410/4531/61900 que se detalla:

<b>CÓDIGO</b>	<b>DENOMINACIÓN</b>	<b>CONCELLO</b>	<b>ORZAMENTO</b>	<b>PRAZO DE EXECUCIÓN</b>
2024.1110.0034.0	DP4803 REFORZO DO FIRME NA DP4803 PQ 0+000 AO 4+000 (CONCELLO DE MIÑO)	Miño	540.879,49 €	3 Meses

2.- EXPOÑER ao público o Proxecto mediante anuncio a inserir no Boletín Oficial da Provincia nun prazo de dez días a efectos de reclamacións, transcorrido o cal sen que estas producísense, considerárase definitivamente aprobado.

3.- REMITIR o expediente para coñecemento e informe da Xunta de Galicia e da Comisión Galega de Cooperación Local para os efectos da coordinación establecidos nos artigos 112 e concordantes da Lei 5/1997, do 22 de xullo, de Administración Local de Galicia, podéndose proseguir as actuacións unha vez que transcorra o prazo de dez días sen que se emita ningún informe



**5.- Aprobación do proxecto da obra DP0106 Mellora da capa de rodaxe con MBQ na DP-0106 San Vicente de Vigo a Oza dos Ríos punto quilométrico. 8+200 - 13+220 (Oza Cesuras) incluído no Plan de Conservación 2024**

1.- Aprobar o proxecto DP 0106 SAN VICENTE DE VIGO A OZA DOS RIOS. MELLORA DA CAPA DE RODAXE CON MBQ. PUNTOS QUILOMÉTRICOS 8+200 AO 13+220 que se integra Plan de Acondicionamento - Conservación en Vías provinciais 2024, cun orzamento total de 502.900,99 €, con cargo á aplicación 2024/0410/4531/61900 que se detalla:

CÓDIGO	DENOMINACIÓN	CONCELLO	ORZAMENTO	PRAZO DE EXECUCIÓN
2024.1110.0036.0	DP 0106 San Vicente de Vigo a Oza dos Rios. Mellora da Capa de Rodaxe con Mezcla Bituminosa Quente. Puntos Quilométricos 8+200 ao 13+220	Oza Cesuras	502.900,99 €	3 Meses

2.- EXPOÑER ao público o Proxecto mediante anuncio a inserir no Boletín Oficial da Provincia nun prazo de dez días a efectos de reclamacións, transcorrido o cal sen que estas producísense, considerarase definitivamente aprobado.

3.- REMITIR o expediente para coñecemento e informe da Xunta de Galicia e da Comisión Galega de Cooperación Local para os efectos da coordinación establecidos nos artigos 112 e concordantes da Lei 5/1997, do 22 de xullo, de Administración Local de Galicia, podéndose proseguir as actuacións unha vez que transcorra o prazo de dez días sen que se emita ningún informe.



**6.- Aprobación técnica do proxecto da obra DP 5905 Mellora da seguridade viaria na estrada a Poulo dende a DP 3802 Ordes a Pontecarreira. Punto quilométrico 0+000 ao 1+300 (ORDES); incluída no Plan de Sendas Peonis 2024**

1.- **Aprobar tecnicamente o Proxecto** SENDA PEONIL NA DP 5905 MELLORA DA SEGURIDADE VIARIA NA ESTRADA. ACCESO A POULO DENDE A DP 3802 ORDES A PONTE CARREIRA. PUNTO QUILOMÉTRICO 0+000 AO 1+300 (ORDES). PLAN DE SENDAS PEONÍS 2024 cun orzamento total de 772.510,12 € con cargo á aplicación 2024/0410/4535/60900, que se detalla:

CONCELLO	CODIGO	DENOMINACIÓN	PRAZO DE EXECUCIÓN	ORZAMENTO
ORDES	2024.1170.0002.0	SENDA PEONIL NA DP 5905 MELLORA DA SEGURIDADE VIARIA NA ESTRADA. ACCESO A POULO DENDE A DP 3802 ORDES A PONTE CARREIRA. PUNTO QUILOMÉTRICO 0+000 AO 1+300	6 MESES	772.510,12 €

2.- **Iniciar os trámites para a expropiación** dos bens e dereitos necesarios para a execución da obra na SENDA PEONIL NA DP 5905 MELLORA DA SEGURIDADE VIARIA NA ESTRADA. ACCESO A POULO DENDE A DP 3802 ORDES A PONTE CARREIRA. PUNTO QUILOMÉTRICO 0+000 AO 1+300

3.- **Condicionar a aprobación definitiva** do proxecto, á subscrición carácter previo dun convenio con concello de Ordes, onde se acredite o financiamento das actuacións incluídas no *capítulo 04 Servizos Municipais* por importe de 154.305,98 € IVE incluído.

4- **Expoñer ao público** o Proxecto mediante anuncio a inserir no Boletín Oficial da Provincia nun prazo de dez días a efectos de reclamacións, transcorrido o cal sen que estas producísense, considerarase definitivamente aprobado.

5.- **Remitir o expediente** para coñecemento e informe da Xunta de Galicia e da Comisión Galega de Cooperación Local para os efectos da coordinación establecidos nos artigos 112 e concordantes da Lei 5/1997, do 22 de xullo, de Administración Local de Galicia, podéndose proseguir as actuacións unha vez que transcorra o prazo de dez días sen que se emita ningún informe



**7.- Desestimación do Recurso de reposición interposto contra o acordo plenario de 24 de febreiro de 2023 polo que se aproba a Aprobación técnica do proxecto da obra DP 1502 Porto a Laraxe. Mellora da seguridade vial PQ. 0+970 AO 2+305 (CABANAS), incluído no Plan de Inversións de Vías Provinciais (VIPI) 2023, primeira fase." .**

1.- Desestimar o recurso de reposición formulado por Cipriano Jaime Carballo Fabal o pasado 6 de febreiro de 2024 contra o acordo do Pleno da Deputación da Coruña de 24 de febreiro de 2023 polo que se aprobou o proxecto número 2023.1110.0001.0 denominado DP 1502 PORTO A LARAXE. MELLORA DA SEGURIDADE VIARIA PUNTO QUILOMÉTRICO 0+970 AO 2+305, CABANAS incluído no Plan de Investimentos de Vías Provinciais (VIPI) 2023, primeira fase e se publicou no Boletín Oficial da Provincia número 43 de 3 de marzo do 2023, polos seguintes feitos e fundamentos xurídicos:

Antecedentes.

Cipriano Jaime Carballo Fabal formulou recurso de reposición o pasado 6 de febreiro de 2024 contra o acordo do Pleno da Deputación da Coruña de 24 de febreiro de 2023 no que se aprobou tecnicamente o proxecto número 2023.1110.0001.0 denominado DP 1502 PORTO A LARAXE. MELLORA DA SEGURIDADE VIARIA PUNTO QUILOMÉTRICO 0+970 AO 2+305, CABANAS e solicita a súa anulación e a dos actos posteriores por incumprimento do trámite de información pública e a suspensión do procedemento. No mesmo escrito remitiu alegacións concretas sobre os predios 76, 76 T e 77 da relación de bens e dereitos expropiados.

Consultados os antecedentes que constan nesta Administración, compróbase que a Deputación da Coruña tramitou o expediente número 2023000005600 denominado "Aprobación técnica do proxecto da obra DP 1502 Porto a Laraxe. Mellora da seguridade vial PQ. 0+970 AO 2+305 (CABANAS), incluído no Plan de Investimentos de Vías Provinciais (VIPI) 2023, primeira fase" que contén o citado proxecto técnico e que, logo da fiscalización da Intervención, foi ditaminado favorablemente o 15/02/2023 pola Comisión de Infraestruturas Viarias, Vías e Obras Provinciais, quen elevou ao Pleno a proposta favorable que posteriormente foi aprobada polo Pleno de 24 de febreiro de 2023 e sometida a información pública por un prazo de dez días mediante anuncio publicado no Boletín Oficial da Provincia número 43 de 3 de marzo do 2023.

Non se rexistraron alegacións, polo que o proxecto resultou definitivamente aprobado e o 22 de xaneiro do 2024 publicouse no Boletín Oficial da Provincia o levantamento de actas previas á ocupación e se convocou ás persoas interesadas o pasado 12 de febreiro do 2024 na Casa do Concello de Cabanas, entre elas a José Carballo Fabal, titular catastral dos predios citados. Ao citado acto compareceu Cipriano Jaime Carballo Fabal e achegou alegacións sobre estes concretos predios 76, 76 T e 77 da relación de bens e dereitos expropiados e documentación acreditativa do seu dereito a título sucesorio, pendente a día de hoxe do seu exame e resolución. Lexitimación. A Lei 39/2015, do 1 de outubro, do Procedemento Administrativo Común das Administracións Públicas considera no seu artigo 4 persoas interesadas a aquelas que teñan dereitos que podan resultar afectados pola decisión que se adopte. No presente caso, determinados predios catastrados a nome de José Carballo Fabal pai do recorrente- figuran incluídos no proxecto que se someteu a aprobación do Pleno, polo que cabe concluír que Cipriano Jaime Carballo Fabal ten lexitimidade para formular o presente recurso, con independencia de que nos



expedientes concretos de cada predio se determine o alcance do seus dereitos.

Competencia.

Segundo o artigo 209.1 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, contra os actos e acordos das entidades locais que poñan fin á vía administrativa, os interesados poderán (.../...) exercer as accións pertinentes ante a xurisdición competente. Por outra banda o artigo 210.a) do mencionado regulamento sinala que poñen fin á vía administrativa, entre outras, as resolucións do Pleno e o artigo 114 da Lei 39/2015, do 1 de outubro, do Procedemento Administrativo Común das Administracións Públicas manifesta que poñen fin á vía administrativa as resolucións de órganos administrativos cando o unha disposición legal ou regulamentaria así o estableza e tamén cando carezan de superior xerárquico. O artigo 123 da citada lei 39/2015 dispón que os actos administrativos que poñan fin á vía administrativa poderán ser recorridos potestativamente en reposición ante o mesmo órgano que os ditase, polo que será o Pleno o órgano competente para a resolución do presente recurso.

Prazo para interpoñer o recurso. O artigo 124 da citada Lei 39/2015 establece que o prazo para a interposición do recurso de reposición será dun mes, se o acto fose expreso e o artigo 116 recolle expresamente como causa de inadmisión a de ter transcorrido o prazo para a interposición do recurso. No presente caso atopámonos ante un acto expreso que foi aprobado polo Pleno da Deputación o 24 de febreiro de 2023 e sometido a información pública mediante a súa publicación no Boletín Oficial da Provincia número 43 de 3 de marzo do 2023 por un prazo de dez días - que o recorrente considera causa de nulidade do procedemento e de tódolos actos que del se derivan que cómpre examinar no seguinte parágrafo - e sobre o que formulou recurso de reposición o 6 de febreiro de 2024 polo que, con carácter previo, procedería a súa non admisión por extemporáneo.

Prazo para expoñer o proxecto. O artigo 36 da Lei 7/1985, de 2 de abril, Reguladora das Bases do Réxime Local recolle como competencia propia entre outras - a cooperación na planificación no territorio provincial. Para o desenvolvemento desta cooperación o artigo 32 do Real Decreto Legislativo 781/1986, de 18 de abril, polo que se aproba o texto refundido das disposicións legais vixentes en materia de Réxime Local establece que as Deputacións redactarán os plans provinciais e que se inserirán no Boletín Oficial da Provincia para que pidan formularse alegacións e reclamacións sobre estes durante un prazo de dez días.

No presente caso e tal e como xa se sinalou no apartado anterior, o proxecto técnico DP 1502 Porto a Laraxe. Mellora da seguridade vial PQ. 0+970 AO 2+305 (CABANAS), incluído no Plan de Investimentos de Vías Provinciais (VIPI) 2023, primeira fase foi aprobado polo Pleno de 24 de febreiro de 2023 e sometido a información pública por un prazo de dez días mediante anuncio publicado no Boletín Oficial da Provincia número 43 de 3 de marzo do 2023 e do que non consta ningunha outra alegación o reclamación.

O recorrente manifesta que o prazo de exposición pública tiña que ser o de trinta días previsto no artigo 21 da Lei 8/2013 de Estradas de Galicia, pero a propia lei no mesmo artigo restrinxe a aplicación deste precepto para os casos de construción de novas estradas non previstas no planeamento urbanístico municipal ou modificacións substanciais destas que afecten de maneira significativa ao instrumento de planificación

urbanística, polo que non queda acreditada a necesidade da exposición pública polo prazo de trinta días solicitado.

As consecuencias da súa exposición. O proxecto número 2023.1110.0001.0 denominado DP 1502 PORTO A LARAXE. MELLORA DA SEGURIDADE VIARIA PUNTO QUILOMÉTRICO 0+970 AO 2+305, CABANAS foi sometido a exposición pública mediante o seu anuncio no Boletín Oficial da Provincia número 43 de 3 de marzo do 2023, para que tódalas persoas que que así o manifestasen puidesen formular as alegación que considerasen oportunas.

O anuncio publicado permite identificar con claridade a Administración actuante, o proxecto, o su orzamento e o lugar onde pode ser examinado, polo que contén os requisitos formais para acadar o seu fin.

Ninguén formulou ningunha alegación, polo que non é posible identificar ningún dereito que se vexa prexudicado polo desenvolvemento do proxecto. Aínda que se admitise agora o escrito de alegacións do reclamante presentado o 6 de febreiro de 2024, o certo é que tampouco realiza ningunha alegación contra o seu contido e si o fai contra a afectación concreta daqueles predios que identifica como da súa titularidade, no senso de que se corrixa o nome do titular expropiado e a cualificación urbanística, alegacións que se estudarán e resolverán no seu momento dentro da peza separada que se tramita para cada un dos predios afectados.

Cabe concluír que a actuación desenvolvida é axustada a dereito, non produciu indefensión ningunha e non impediu ao acto acadar o seu fin, polo que non é posible admitir o recurso de reposición presentado fóra de prazo.

Do mesmo xeito, procede desestimar a solicitude de suspensión do acto impugnado polos feitos e fundamentos xurídicos expostos.

2.- Dar traslado das alegacións formuladas polo recorrente sobre os seus predios concretos á Presidencia da Deputación para que a través das unidades administrativas que correspondan se dispoña o que sexa procedente no marco do procedemento de expropiación.

O presente acordo esgota a vía administrativa e, de conformidade co previsto no artigo 124 da Lei 39/2015, do 1 de outubro, do Procedemento Administrativo Común das Administracións Públicas, contra a resolución do presente recurso poderá interpoñer directamente recurso contencioso - administrativo no prazo de dous meses contados dende o día seguinte ó da notificación da presente resolución, de conformidade co establecido no artigo 46 da Lei 29/1998, reguladora da xurisdición contencioso administrativa, sen prexuízo de calquera outro recurso o reclamación que considere oportuno.



**8.- Aprobación do proxecto da obra DP7603 Mellora de capa de rodaxe con mestura bituminosa en quente; Feira de San Sadurniño a O Coval punto quilométrico 0+300 ao 4+200 (San Sadurniño), incluído no Plan de Conservación 2024**

1.- Aprobar o proxecto DP 7603 MELLORA DE CAPA DE RODAXE CON MESTURA BITUMINOSA EN QUENTE DP-7603 FERIA DE SAN SADURNIÑO A O COVAL PUNTO QUILOMÉTRICO 0+300 AO 4+200 (SAN SADURNIÑO) que se integra Plan de Acondicionamento - Conservación en Vías provinciais 2024, cun orzamento total de 414.033,49 €, con cargo á aplicación 2024/0410/4531/61900 que se detalla:

CÓDIGO	DENOMINACIÓN	CONCELLO	ORZAMENTO	PRAZO DE EXECUCIÓN
2024.1100.0035.0	DP 7603 MELLORA DE CAPA DE RODAXE CON MESTURA BITUMINOSA EN QUENTE DP-7603 FERIA DE SAN SADURNIÑO A O COVAL PUNTO QUILOMÉTRICO 0+300 AO 4+200 (SAN SADURNIÑO)	San Sadurniño	414.033,49 €	3 Meses

2.- EXPOÑER ao público o Proxecto mediante anuncio a inserir no Boletín Oficial da Provincia nun prazo de dez días a efectos de reclamacións, transcorrido o cal sen que estas producísense, considerárase definitivamente aprobado.

3.- REMITIR o expediente para coñecemento e informe da Xunta de Galicia e da Comisión Galega de Cooperación Local para os efectos da coordinación establecidos nos artigos 112 e concordantes da Lei 5/1997, do 22 de xullo, de Administración Local de Galicia, podéndose proseguir as actuacións unha vez que transcorra o prazo de dez días sen que se emita ningún informe.



**9.- Aprobación do convenio de cooperación entre a Excelentísima Deputación Provincial da Coruña e o Concello de Malpica de Bergantiños polo que se instrumenta unha subvención nominativa para a adquisición de tractor-desbrozadora e camión-grúa.**

1.º.- **Levantar o reparo** interposto pola Intervención Provincial na tramitación do expediente de aprobación dun convenio de colaboración entre a Deputación provincial da Coruña e do Concello de Malpica de Bergantiños **polo lo que se instrumenta unha subvención nominativa** para cofinanciar **a adquisición de tractor-desbrozadora e camión-grúa**, e instar a que o mesmo siga os trámites oportunos para proceder á súa aprobación e formalización.

2º.- **Exceptuar** para o presente convenio os principios de concorrencia, publicidade, igualdade e non discriminación na tramitación do presente expediente, dada a existencia de causas excepcionais que xustifican a concesión da subvención nominativa, por entender que se dan as razóns de interese público no outorgamento da subvención. Estes principios atópanse recollidos nos artigos 22.2 LXS e 65-67 do seu Regulamento.

3º.- **Aprobar** o texto e a formalización do Convenio de Cooperación entre a Deputación Provincial da Coruña e o **Concello de Malpica de Bergantiños** para cofinanciar **“a adquisición de tractor-desbrozadora e camión-grúa”** cunha achega provincial de **173.000,00 euros** con cargo a la **aplicación orzamentaria 0112/17221/76201**, o que representa un coeficiente de financiamento do **78.24956 %** respecto dun orzamento de **221.087,50 euros**.

4º.- **Condicionar** o convenio á existencia de crédito adecuado e suficiente e ao cumprimento dos obxectivos de estabilidade orzamentaria, no próximo exercicio orzamentario, de acordo coa normativa vixente no momento.

#### **ANEXO**

#### **CONVENIO DE COOPERACIÓN ENTRE A EXCMA. DEPUTACIÓN PROVINCIAL DA CORUÑA E O CONCELLO DE MALPICA BERGANTIÑOS POLO QUE SE INSTRUMENTA UNHA SUBVENCIÓN NOMINATIVA PARA O COFINANCIAMENTO DA ADQUISICIÓN DE TRACTOR-DESBROZADORA E CAMIÓN-GRÚA.**

Na Coruña, a \_\_\_ de \_\_\_\_\_ de 2024

Ante min, Amparo Taboada Gil, Secretaria Xeral da Deputación Provincial da Coruña, como fedataria actuante

#### **REUNIDOS**

Dunha parte D. \_\_\_\_\_, representante da Deputación Provincial da Coruña,

Doutra parte D. \_\_\_\_\_ representante do Concello de **Malpica de Bergantiños**

Os comparecentes interveñen en uso das potestades que, por razón dos seus cargos,

estancelles atribuídas

## MANIFESTAN

Son competencias propias da Deputación Provincial de A Coruña, en virtude do establecido no artigo 36 Lei 7/1985, de 2 de abril, de Bases do Réxime Local, a asistencia e cooperación xurídica, económica e técnica aos Municipios, especialmente os de menor capacidade económica e de xestión.

A este efectos, a Deputación asegura o acceso da poboación da Provincia ao conxunto dos servizos mínimos de competencia municipal e á maior eficacia e economía na prestación destes mediante fórmulas de asistencia e cooperación municipal. Con esta finalidade, a Deputación poderá outorgar subvencións e axudas con cargo aos seus recursos propios para a realización e o mantemento de obras e servizos municipais, que se instrumentarán a través de plans especiais ou outros instrumentos específicos.

Así mesmo, o Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos no artigo 25 da Lei 7/1985, de 2 de abril, de Bases do Réxime Local

O Municipio exercerá en todo caso como competencias propias, nos termos da lexislación do Estado e das Comunidades Autónomas, entre outras, as seguintes materias:

...b) Medio ambiente urbano: en particular, parques e xardíns públicos, xestión dos residuos sólidos urbanos e protección contra a contaminación acústica, lumínica e atmosférica nas zonas urbanas...

...d) Infraestrutura viaria e outros equipamentos da súa titularidade...

Neste sentido, o Concello de **Malpica de Bergantiños** considera de primeira necesidade do suministro tractor-desbrozador camión-grúa

Que dado o interese coincidente da Deputación da Coruña e do Concello de **Malpica de Bergantiños**, as dúas partes acordan subscribir un convenio conforme ás seguintes

## CLÁUSULAS

### I. - OBXECTO

1- O presente convenio de cooperación ten por obxecto a fixación das bases de outorgamento dunha subvención nominativa por esta Deputación a prol do **Concello de Malpica de Bergantiños**, con **CIF P1504400A**, fixando as condicións que se impoñen por esta administración concedente e os compromisos asumidos pola entidade beneficiaria, para o financiamento da subministración que se describe de seguido: **“tractor-desbrozador camión-grúa”**, tal e como aparece definida no prego de prescricións técnicas redactado polo técnico . José Andrés Queijo Rey.

2.A entidade beneficiaria, na súa condición de promotora achega ao expediente un exemplar do Prego de Prescricións, no que consta a súa aprobación polo órgano competente, así como a certificación de que conta coas autorizacións administrativas preceptivas. O dito Prego de Prescricións Técnicas foi supervisado polos Servizos Técnicos da Deputación e conta con informe favorable.

## II.- ORZAMENTO DE GASTOS DA ACTIVIDADE QUE SE HA REALIZAR

Segundo o orzamento que achega o Concello o orzamento máximo para a subministración ascende a **221.087,50 euros**.

ORZAMENTO TOTAL ACTUACIÓN	IMPORTE
Tractor e apero desbrozadora de brazo	123.966,94€
Camión caixa basculante e grúa	58.750,00€
TOTAL	182.716,94
IVE 21 %	38.370,56
<b>ORZAMENTO TOTAL</b>	<b>221.087,50€</b>

## III.- FINANCIAMENTO PROVINCIAL E OUTROS INGRESOS QUE SE OBTENAN OU APORTEN PARA A MESMA FINALIDADE

1. A Deputación da Coruña contribuirá ao financiamento da subministración, tal como se define na cláusula primeira, cunha achega máxima de **173.000,00€**, o que representa unha porcentaxe de **78,2496%**

No caso de que o gasto xustificado non acadase o importe total previsto na cláusula segunda, a Deputación só achegará o importe que represente o **78,2496 %** da cantidade efectivamente xustificada. A contía restante, ata acadar o importe total do orzamento da actividade, está financiado con cargo a recursos (propios ou alleos) acreditando a entidade beneficiaria que ten consignado o crédito adecuado e suficiente para imputar a totalidade do gasto imputable á entidade.

2. Agora ben, se a cantidade xustificada resulta inferior ao 75 por cento do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

A Deputación provincial financiará exclusivamente os gastos derivados da subministración e, polo tanto, non serán subvencionables os gastos de redacción do Prego, tributos percibidos pola obtención de licenzas, honorarios por dirección, control de calidade etc. Tampouco se financiarán os incrementos de gastos derivados da subministración.

3. O importe do financiamento provincial farase efectivo con cargo á aplicación orzamentaria **0112/17221/76201** na que a Intervención provincial ten certificado que existe crédito dabondo sobre a que se ten contabilizado a correspondente retención de crédito. Dado que a vixencia deste convenio se estende a exercicios futuros, a súa aprobación queda condicionada á existencia de crédito adecuado e suficiente nos exercicios orzamentarios correspondentes e ao cumprimento dos obxectivos da Lei de estabilidade orzamentaria.

4. A subvención da Deputación é compatible coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

5. No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

## IV.- CONTRATACIÓN E EXECUCIÓN

1. Na condición de adquirente, corresponderalle ao Concello o outorgamento dos correspondentes contratos de subministracións.

2. No procedemento de contratación o Concello axustará toda a súa actuación ao disposto na lexislación de contratos do sector público.

3. Deberá utilizar os pregos-tipo de contratación da Deputación e non poderá recoller o concepto "melloras".



4.No caso de que a entidade beneficiaria tramite e aprobe algunha modificación do Prego inicialmente aprobado, así como do contrato adxudicado, deberá remitirle á Deputación un exemplar do Prego modificado e achegar con el os informes emitidos e a certificación do correspondente acordo.

#### **V.- PUBLICIDADE DO FINANCIAMENTO PROVINCIAL**

1.No contrato e nos anuncios de licitación para adquisición, farase constar o importe do financiamento provincial.

2. Adquirido o ben, o Concello,deberá **rotular o ben en lugar visible** de xeito que se deixe constancia da data de adquisición e do financiamento provincial. O texto estará redactado en galego.

3. 3. Asemade, a entidade beneficiaria deberá cumprir coas obrigas de información que lle impón a Lei 19/2013, de 9 de decembro, de Transparencia, acceso a información pública e bo goberno, **dándolle publicidade a este convenio no Portal de Transparencia da súa páxina web**

#### **VI.- A XUSTIFICACIÓN NECESARIA PARA RECIBIR A ACHEGA PROVINCIAL**

1. Coa posibilidade prevista nas Bases 54 de execución do Orzamento para o ano 2024, **ata o 40 por cento** da achega da Deputación ten carácter prepagable, de xeito que se procederá a expedir un primeiro pagamento a prol do Concello, pola contía resultante de aplicar a dita porcentaxe sobre o importe de adxudicación do contrato de subministracións, unha vez que presente ou conste na Deputación provincial a seguinte documentación:

- a) Certificación do **acordo de adxudicación definitiva do contrato de subministracións**, na que se fagan constar polo menos os seguintes datos:Persoa adxudicataria, Importe do contrato E prazo de execución
- b) Acreditación do cumprimento das **obrigas tributarias e coa Seguridade Social**, segundo o disposto na cláusula OITAVA.
- c) **Certificación expedida polo órgano responsable da contabilidade das axudas e outros ingresos afectados a mesma finalidade ou obxecto desta subvención.**
- d) O Concello estará obrigado a colocar un cartel que sexa visible no que, sen prexuízo doutras indicacións, figure o disposto na cláusula V. de publicidade./**Acreditación da colocación da publicidade da deputación mediante a remisión de fotografías debidamente dilixenciadas pola dirección.**

2. Formalizado en documento público o contrato, procederase ao aboamento do 60 por cento restante, unha vez que se presente ou conste na Deputación provincial a seguinte documentación (só admisible por medios electrónicos a través do aplicativo SUBTEL):

- Acta de recepción e **fotografía do subministro realizado**
- **Factura e certificación acreditativa do pago do ben.**
- **Certificación do acordo de aprobación da factura e do recoñecemento da obriga**, expedida polo órgano competente.
- Acreditación do cumprimento das **obrigas tributarias e coa Seguridade Social**, segundo o disposto na cláusula OITAVA.
- **Certificación expedida polo órgano responsable da contabilidade das axudas e outros ingresos afectados a mesma finalidade ou obxecto desta**

**subvención.**

- Acreditación do cumprimento das **obrigas de publicidade previstas na cláusula QUINTA** (mediante a presentación de fotografías dilixenciadas no reverso).
- **Certificación do acordo da incorporación do ben ao inventario** de bens da entidade beneficiaria, facendo constar nos correspondentes asentos que o ben queda afectado á finalidade pública para a que foi concedida a subvención alomenos durante un prazo de cinco anos.
- Deberá acreditar o **pago efectivo aos terceiros do importe aboado co primeiro pago prepagable**

3. O aboamento da contía restante da subvención materializarase mediante ingreso na conta da entidade financeira indicada pola entidade beneficiaria na documentación achegada. E se tiveran transcorrido máis de catro meses dende a axeitada e correcta xustificación dos compromisos adquiridos sen que tivera cobrado o importe que lle corresponda, a entidade beneficiaria terá dereito ao abono dos xuros de demora, ao tipo de xuro legal, que se perciba, dende a finalización do prazo de catro meses ata o momento no que se faga efectivo o pagamento.

4. Deberá acreditar ter aboado a os terceiros o importe xustificado do 60% no prazo máximo dun mes dende a recepción dos fondos que constitúen o segundo pagamento. Esta obriga será comprobada pola Deputación, no seu caso, no procedemento de control financeiro que se poida instruír para tal efecto, sen que se teña que presentar documentación adicional ningunha no expediente de xestión e pagamento da subvención.

## **VII. TERMO PARA A REALIZACIÓN DA ACTIVIDADE E PRAZO DE XUSTIFICACIÓN**

1. As obras que son obxecto de financiamento provincial, tal e como están descritas no proxecto técnico indicado na cláusula I, deberán estar **rematadas e presentada a documentación xustificativa** indicada na cláusula VI **no prazo indicado na cláusula XIII.**

2. De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este prazo sen que se teña recibido xustificación ningunha, a Unidade xestora remitiralle un requirimento á entidade beneficiaria para que a presente no prazo improrrogable de quince días.

3. A falla de xustificación da subvención neste prazo excepcional implicará a perda da subvencións e demais responsabilidades previstas neste convenio e na lexislación aplicábel ao respecto, tal e como se indica na cláusula XIII. Aínda así, a presentación da xustificación neste prazo adicional non eximirá á a entidade beneficiaria da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable, lle poida corresponder.

## **VIII.- CUMPRIMENTO DAS OBRIGAS TRIBUTARIAS E COA SEGURIDADE SOCIAL E A SÚA ACREDITACIÓN.**

1. A entidade beneficiaria deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das



obrigas tributarias coa Administración do Estado, coa Comunidade autónoma, coa Deputación Provincial da Coruña, e coa Seguridade Social. A entidade beneficiaria autoriza á Deputación a que obteña telemáticamente os correspondentes certificados.

2. A acreditación do cumprimento de ditas obrigas poderá realizarse mediante declaración responsábel expedida polo órgano competente, mediante a presentación dos correspondentes certificado ou ben autorizando á Deputación a que obteña telemáticamente os correspondentes certificados.

3. A acreditación do cumprimento das obrigas tributarias coa Deputación Provincial determinarase de oficio por ésta.

#### **IX.- DESTINO E MANEXO DOS FONDOS RECIBIDOS.**

1. A entidade beneficiaria destinará os fondos recibidos ao pagamento dos xustificantes de gasto presentados.

2. Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor

#### **X.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.**

1. Consonte ao disposto nos artigos 44 e seguintes da Lei 38/2003, de 17 de novembro, Xeral de subvencións, e nos artigos 41 e seguintes da Lei 9/2007, de 13 de xuño, de Subvencións de Galicia, a entidade beneficiaria poderá ser escollida pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de cooperación.

2. Asemade, de acordo co previsto na Lei 6/1985, de 24 de xuño, do Consello de Contas de Galicia, á entidade beneficiaria queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de axuízamento contábel que poida incoar o Tribunal de Contas, e a calquera outro órgano de control, nacional ou europeo.

#### **XI.- REINTEGRO, INFRACCIÓNS E SANCIÓN.**

1. O incumprimento dalgunha das cláusulas previstas no presente convenio de cooperación poderá implicar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciarase de oficio e na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.



2. Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.

3. Nos supostos de retraso na realización das obras ou retraso na presentación da xustificación, estarase ao disposto na ordenanza provincial de desenvolvemento que resulte aplicable

.4. Se o retraso se produce no pago ao adxudicatario ou terceiros que teñan realizado o obxecto do convenio, se liquidará o xuro legal do diñeiro polo período que medie entre o prazo indicado na cláusula VI.3 e a data do pago efectivo ao terceiro

## **XII.- INCORPORACIÓN AO REXISTRO PÚBLICO DE SUBVENCIÓNS E PUBLICACIÓN DA SUBVENCIÓN CONCEDIDA.**

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da entidade beneficiaria serán remitidas á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto.

2. Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.

3. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención ao Concello será publicada no Boletín Oficial da Provincia da Coruña e na páxina web [www.dacoruna.gal](http://www.dacoruna.gal)

4. Un exemplar deste convenio, debidamente asinado, será incorporado ao Rexistro de convenios que depende do Servizo de Patrimonio e Contratación da Deputación.

## **XIII.- VIXENCIA DO CONVENIO, PRÓRROGA OU MODIFICACIÓN**

1. O presente convenio de cooperación producirá efectos dende a data da súa sinatura e conservará a súa **VIXENCIA** ata o día **31 de OUTUBRO do 2024**. Dado que a existencia deste convenio se estende a exercicios futuros, a súa aprobación queda condicionada á existencia de crédito adecuado e suficiente no exercicio orzamentario correspondente e ao cumprimento dos obxectivos da Lei de Estabilidade Orzamentaria.

2. Para o caso de que a entidade beneficiaria non poida ter rematada a adquisición e presentada a xustificación no prazo sinalado na cláusula VII, deberá solicitar **antes do 30 de SETEMBRO de 2024**, a **PRÓRROGA** do prazo inicial, achegando unha solicitude motivada, co fin de que a Deputación poida acreditar a existencia de crédito adecuado e suficiente para o pago que proceda, do importe correctamente xustificado. Acreditada esta circunstancia, a Deputación poderá conceder a prórroga solicitada, que **en ningún caso poderá exceder do 31 de outubro do 2024**, todo iso, igualmente condicionado á existencia de crédito axeitado e suficiente nos exercicios orzamentarios correspondentes e ao cumprimento dos obxectivos da Lei de estabilidade orzamentaria. A esta data, o

convenio quedará definitivamente extinguido, de xeito que o Concello perderá o dereito ao cobro do importe correspondente á contía non xustificada a dita data.

De acordo co establecido na cláusula VII do presente convenio, unha vez finalizado o prazo de vixencia ou no seu caso, o das prórrogas efectivamente solicitadas en prazo, sen que se presentase a xustificación, a unidade xestora requirira a entidade beneficiaria para que presente a documentación no prazo improrrogable de 15 días. De non presentarse no devandito prazo, o convenio quedará definitivamente extinguido, comportará a perda do dereito ao cobramento da subvención e implicará a iniciación do expediente de reintegro, no seu caso, do anticipo percibido máis os correspondentes xuros de mora.

3. Tamén, por acordo expreso de ambas as dúas partes e previos os informes da Unidade Xestora, do servizo de Patrimonio e Contratación, da Secretaría e da Intervención da Deputación, **o convenio poderá ser obxecto de modificación**. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario.

#### **XIV.- NATUREZA, INTERPRETACIÓN, MODIFICACIÓN E XURISDICIÓN COMPETENTE**

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia. Supletoriamente aplicarase a lexislación de contratos do sector público.

2. Para o seguimento coordinado da execución do presente convenio poderá crearse unha **comisión de seguimento** formada por dous representantes de cada unha das institucións nomeados polo Presidente da Deputación e o Concello, respectivamente.

3. Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado polo Pleno da Corporación o día

\_\_\_\_\_

E, en proba de conformidade, as partes comparecentes asinan en duplicado exemplar o presente convenio, no lugar e data indicados no encabezamento.

**10.- Aprobación da adxudicación do segundo contrato baseado no acordo marco para a prestación dos servizos incluídos no proxecto de transformación dixital nas Entidades Locais da provincia da Coruña (TEDeC e plataformas complementarias)**

1. Adxudicar o segundo contrato baseado no acordo marco para a prestación dos servizos incluídos no proxecto de transformación dixital nas Entidades Locais da provincia da Coruña (TEDeC e plataformas complementarias), expediente PCO.001.2020.00362, nas seguintes condicións:

1.1 Contrato baseado número 2

1.2. Adxudicatario: INDRA SOLUCIONES TECNOLOGÍAS DE LA INFORMACIÓN, S.L.U. con NIF B88018098 e domicilio en Alcobendas (Madrid), Avenida de Bruselas, número 35, código postal 28108

1.3. Prezo de adxudicación:

Prezo sen IVE:	2.499.077,27 €
IVE	524.806,23 €
Total IVE incluído:	3.023.883,50 €

1.4. Tarefas:

Tarefas	Importe sen IVE
<b>IMPLANTACIÓN</b>	
Sesións a demanda	174.935,41€
Reforzar o uso do cadro de mando e a súa indicadores	99.963,09€
Continuación co servizo previamente establecido	49.981,55€
<b>DESENVOLVEMENTO E EVOLUCIÓN DA PLATAFORMA</b>	
Continuar as melloras en rexistro	174.935,41€
Continuar as melloras no módulo de terceiros	99.963,09€
Melloras no tramitador de expedientes	99.963,09€
Novas integracións	99.963,09€
Procedementos	99.963,09€
Melloras técnicas da plataforma	274.898,50€
Documentación	74.972,32€
<b>TRANSFORMACIÓN DAS ORGANIZACIÓNS</b>	
Abordar o proceso de transformación nas entidades que o rexeitaron na primeira fase	249.907,73€
Proceso de post-transformación	324.880,05€
<b>COMUNICACIÓN E DIFUSIÓN</b>	
Continuidade na execución do servizo	49.981,55€
Impulsar e dinamizar o portal Concello Dixital, dotándoo de novas seccións e contidos	49.981,55€
Participación en concursos	49.981,55€
Ampliación da sección "Conversas Concello Dixital"	49.981,55€
Apertura dunha canle de "asesoría" en comunicación	24.990,77€



<b>APOIO TÉCNICO-XURÍDICO</b>	
Nova revisión de cumprimento de normativa básica de administración electrónica	49.981,55€
Continuidade na análise de procedementos	24.990,77€
Análises e estudo da posta en marcha da asistencia en uso de medio electrónicos	24.990,77€
Elaboración dun Plan de Cumprimento Normativo	24.990,77€
Continuidade na execución do servizo	24.990,77€
<b>SOPORTE TÉCNICO AVANZADO CON ALTA DISPOÑIBILIDADE</b>	
Asistencia e asesoramento en labores de administración de TEdC e outras plataformas complementarias	49.981,55€
Responder a dúbidas funcionais sobre os diferentes módulos de TEdC e outras plataformas complementarias	49.981,55€
Realización das tarefas de soporte das plataformas, exceptuando aquelas que impliquen cambios nos modelos de datos e desenvolvementos	49.981,55€
Resolución de incidencias relacionadas co uso de TEdC, tendo en conta o requisito anterior	49.981,55€
Apoio nas implantacións	24.990,77€
Documentar todas as tarefas realizadas	24.990,77€
Presentación de informes de estado e seguimento de incidencias	24.990,77€
Continuidade na execución do servizo	24.990,77€
<b>Importe total sin IVA</b>	<b>2.499.077,27 €</b>
<b>IVA</b>	<b>524.806,23 €</b>
<b>Importe total con IVA</b>	<b>3.023.883,50 €</b>

1.5. Prazo de execución: Dous anos. Tendo en conta que o contrato baseado no acordo marco non require formalización, o prazo computarase dende o día seguinte ao envío da comunicación de adxudicación, que deberá publicarse simultaneamente no Perfil de Contratante, aloxado na Plataforma de Contratación do Sector Público.

1.6. Financiamento: Aplicación orzamentaria 0730/49122/22799, coa seguinte distribución por anualidades:

Anualidade	período	fase e número de operación	Importe
2024	2 trimestres	RC 220240014452	755.970,87
2025	4 trimestres	RCP 220249000211	1.511.941,75
2026	2 trimestres		755.970,88
<b>total</b>			<b>3.023.883,50</b>

Por tratarse dun contrato plurianual, queda suxeito á condición suspensiva de existencia de crédito adecuado e suficiente para financiar as obrigas derivadas do contrato no exercicio correspondente.

1.7. Formalización: De conformidade co establecido no artigo 36.3 LCSP, os contratos baseados do acordo marco perfecciónanse coa adxudicación, polo que non requiren formalización.

2. Requerir ao adxudicatario para que, de conformidade co artigo 107.5 LCSP, amplíe a



**Deputación**  
DA CORUÑA

garantía definitiva na contía de **46.791,86 euros** no prazo de dez días hábiles contados desde o seguinte á notificación deste acordo.



**11.- Aprobación do proxecto modificado do investimento denominado "Mellora de viais municipais: rúa Casás, Roibeiras e Simou", do Concello de Mugardos, incluído na 1ª Fase do Plan provincial de cooperación ás obras e servizos de competencia municipal (Plan único de concellos) POS+Adicional 2/2023, co código 2023.2102.0380.0 levantamento das condicións ás que quedou sometido e aprobación definitiva deste investimento**

Logo de ver o expediente relativo á aprobación polo Concello de Mugardos do proxecto modificado do investimento denominado "Mellora de viais municipais: rúa Casás, Roibeiras e Simou", incluído na 1ª Fase do Plan provincial de cooperación ás obras e servizos de competencia municipal (Plan único de concellos) POS+Adicional 2/2023, co código 2023.2102.0380.0 levantamento das condicións ás que quedou sometido e aprobación definitiva deste investimento, no que se acreditan os seguintes

**ANTECEDENTES**

Logo de ver o acordo que adoptou o Pleno desta deputación na sesión ordinaria do 26 de maio do 2023, que aprobou o Plan provincial de cooperación ás obras e servizos de competencia municipal (Plan único de concellos) POS+ 2023 e o seu Plan Complementario, no que se inclúe este investimento do Concello de Mugardos

Tendo en conta que, segundo o disposto no apartado 1 da citada Resolución de Presidencia pola que se aproba a 1ª fase deste Plan Adicional 2/2023, a aprobación definitiva dos investimentos dalgúns concellos quedaba condicionada á realización das condicións suspensivas que se detallaban para cada un deles, entre os que figura este investimento cos seguintes datos:

CONCELLO	CÓDIGO	DENOMINACIÓN	ACHEGA DEPUTACIÓN	ACHEGA MUNICIPAL	TOTAL	CONDICIÓN PENDENTES
Mugardos	2023.2102.0380.0	Mellora de viais municipais: rúa Casás, Roibeiras e Simou	200.772,87	0,00	200.772,87	-Autorización Patrimonio Cultural-Xunta. - Axencia galega de Infraestruturas (AXI). - Augas de Galicia. - Disponibilidade dos terreos.

Logo de presentar o Concello de Mugardos as autorizacións favorables da Dirección Xeral de Patrimonio Cultural; da Axencia Galega de Infraestruturas (AXI) e de Augas de Galicia, así como un novo informe técnico-xurídico sobre a dispoñibilidade dos terreos (Anexo VI) acreditativo da dita dispoñibilidade dos terreos necesarios para a realización das obras

Logo de presentar o concello un proxecto modificado deste investimento, que aínda non está adxudicado, asinado dixitalmente o día 26 de febreiro de 2024, cun orzamento de contrata de 200.772,87 €, idéntico ao do proxecto técnico inicial incluído no Plan, que modifica o trazado inicial do proxecto eliminando a parte correspondente á actuación no viario de Roibeiras ao non poder contar coa dispoñibilidade dos terreos necesarios para a súa execución



## FUNDAMENTOS DE DEREITO

Logo de ver as Bases reguladoras do Plan, aprobadas mediante acordo plenario adoptado na sesión realizada o 25 de novembro do 2022 e publicadas no Boletín Oficial da Provincia (BOP) número 228, do 1 de decembro do 2022

De acordo coa normativa vixente, o Pleno da Deputación Provincial da Coruña **ACORDA:**

1.- Aprobar o proxecto modificado do investimento denominado “Mellora de vias municipais: rúa Casás, Roibeiras e Simou”, do Concello de Mugar dos, incluído na 1ª Fase do Plan provincial de cooperación ás obras e servizos de competencia municipal (Plan único de concellos) POS+Adicional 2/2023, co código 2023.2102.0380.0, que foi aprobado de forma condicionada e que polo tanto aínda non está adjudicado. Este proxecto conta coa aprobación do órgano competente do concello e máis co informe de supervisión favorable emitido o día 12 de abril de 2024 polo Servizo de Asistencia Técnica a Municipios desta deputación e cos correspondentes informes técnicos favorables, sendo a súa finalidade variar o trazado inicial do proxecto, eliminando a parte correspondente á actuación no viario de Roibeiras ao non poder contar coa dispoñibilidade dos terreos necesarios para a execución da obra, tal e como se sinalaba no primeiro proxecto técnico presentado

Concello de Mugar dos Mellora de vias municipais: rúa Casás, Roibeiras e Simou 2023.2102.0380.0	PROXECTO INICIAL	PROXECTO MODIFICADO
<b>Deputación</b>	200.772,87	200.772,87
<b>Concello</b>	0,00	0.00
<b>Total</b>	200.772,87	200.772,87

2.- Considerar cumpridas as condicións ás que foi sometido este investimento na Resolución da Presidencia desta deputación número 32169/2023 do 18 de agosto de 2023, de aprobación da primeira fase deste Plan Adicional 2/2023, e en consecuencia, aprobar definitivamente este investimento dentro do Plan.

CONCELLO	CÓDIGO	DENOMINACIÓN	ACHEGA DEPUTACIÓN	ACHEGA MUNICIPAL	TOTAL	CONDICIÓN CUMPRIDAS
Mugar dos	2023.2102.0380.0	Mellora de vias municipais: rúa Casás, Roibeiras e Simou	200.772,87	0,00	200.772,87	-Autorización Patrimonio Cultural-Xunta. - Axencia galega de Infraestruturas (AXI). - Augas de Galicia. - Dispoñibilidade dos terreos.

3.- A achega provincial a este investimento financiarase con cargo á partida 0430 /4592 /76201 do vixente orzamento provincial.

4.- Notificarlle este acordo ao Concello de Mugar dos para os efectos de que poida iniciar a contratación e execución deste investimento.



**12.- Aprobación do proxecto modificado do investimento denominado "Ampliación da Ponte do Allo do Concello de Zas", incluído no Plan provincial de cooperación ás obras e servizos de competencia municipal (Plan único de concellos) POS+ Adicional 2/2021 2ª e derradeira fase co código 2021.2102.0648.0**

Logo de ver as Bases reguladoras do POS+ 2021 aprobadas mediante acordo plenario provincial do 27 de novembro de 2020 e publicadas no Boletín Oficial da Provincia (BOP) número 205 do 1 de decembro de 2020, cuxas Bases 7 e 9 foron modificadas por acordo plenario provincial do 30 de decembro de 2020 e publicadas no BOP número 225 do 31 de decembro de 2020

Logo de ver o acordo do Pleno desta Deputación, adoptado na sesión ordinaria realizada o 30 de xuño de 2021, que aprobou o Plan provincial de cooperación ás obras e servizos de competencia municipal (Plan único de concellos) POS+ 2021 e o seu Plan complementario

Logo de ver o Acordo plenario desta deputación do 26 de novembro de 2021, polo que se aprobou a 2ª e derradeira fase do Plan provincial de cooperación ás obras e servizos de competencia municipal (Plan único de concellos) POS+ Adicional 2/2021 por maior achega provincial.

Logo de ver que na relación dos investimentos que se inclúen nesta segunda fase e derradeira do POS+ Adicional 2/2021 figura, entre outras, a obra do Concello de Zas denominada "Ampliación da Ponte do Allo en Zas", co código 2021.2102.0648.0, condicionada a súa aprobación á supervisión favorable do proxecto corrixido e á súa aprobación polo concello, así como á obtención de autorización de Augas de Galicia.

Logo de que en data 11 de febreiro de 2022, por Resolución de Presidencia número. 2022/7560 tómase coñecemento da aprobación polo concello de Zas do proxecto modificado do investimento denominado "Ampliación da Ponte do Allo en Zas", incluído na segunda e derradeira fase do POS+ Adicional 2/2021 co código 2021.2102.0648.0, levántanse as condicións ás que quedou sometido e apróbase definitivamente este investimento.

Visto que en marzo de 2024 o Concello de Zas aprobou un proxecto modificado desta obra, que aínda non está adxudicada, cun orzamento de contrata de 162.785,83 € que supón un incremento de 34.317,88 € con respecto ao proxecto anteriormente aprobado, cuxo orzamento ascendía á cantidade de 128.467,95 € que é asumido integramente polo concello de Zas, para realizar a actualización dos prezos das unidades de obra para a súa adaptación á realidade de mercado, que conta cos informes técnicos e xurídicos favorables.

De acordo coa normativa vixente, o Pleno da Deputación Provincial da Coruña ACORDA

1.- Aprobar o proxecto modificado da obra do Concello de Zas denominada "Ampliación da Ponte do Allo en Zas", incluída no Plan provincial de cooperación ás obras e servizos de competencia municipal (Plan único de concellos) segunda e derradeira fase do POS+ Adicional 2/2021, co código 2021.2102.0648.0, cun orzamento de contrata de 162.785,83 €, que en relación co proxecto inicial cuxo orzamento era de 128.467,95 €, supón un



incremento de 34.317,88 € que é asumido íntegramente polo concello, que recolle as modificacións necesarias para a actualización dos prezos das unidades de obra para a súa adaptación á realidade de mercado, e que se financia como se indica na seguinte táboa:

<b>Concello de Zas "Ampliación da Ponte do Allo en Zas" Código 2021.2102.0648.0</b>	<b>PROXECTO INICIAL</b>	<b>PROXECTO MODIFICADO</b>	<b>DIFERENZA</b>
<b>Deputación</b>	128.467,95	128.467,95	0,00
<b>Concello</b>	0,00	34.317,88	34.317,88
<b>Total</b>	<b>128.467,95</b>	<b>162.785,83</b>	<b>34.317,88</b>

2.- Na partida 0430/4592/76201 do vixente orzamento provincial existe crédito adecuado e suficiente para o financiamento da achega provincial a esta obra. O Concello de Zas asume íntegramente o incremento experimentado no orzamento de contrata deste investimento con motivo da modificación do proxecto técnico da obra por importe de 34.317,88 €, conforme o establecido na "Base 8.-Execución dos investimentos" do POS+2021 (Plan único de Concellos), mediante o compromiso recollido no punto 4º da certificación de Resolución de Alcaldía 82/2024 de 22 de marzo de 2024, firmada pola Secretaria do concello e o Alcalde o 22 de marzo de 2024.

3.- Notificar este acordo ao Concello de Zas para os efectos oportunos.

**13.- Aprobación do proxecto modificado do investimento denominado "Reparación fachadas centro social e acceso exterior" do Concello de Zas, incluído no Plan provincial de cooperación ás obras e servizos de competencia municipal (Plan único de concellos) POS+ Adicional 2/2021 2ª e derradeira fase co código 2021.2102.0649.0**

Logo de ver as Bases reguladoras do POS+ 2021 aprobadas mediante acordo plenario provincial do 27 de novembro de 2020 e publicadas no Boletín Oficial da Provincia (BOP) número 205 do 1 de decembro de 2020, cuxas Bases 7 e 9 foron modificadas por acordo plenario provincial do 30 de decembro de 2020 e publicadas no BOP número 225 do 31 de decembro de 2020

Logo de ver o acordo do Pleno desta Deputación, adoptado na sesión ordinaria realizada o 30 de xuño de 2021, que aprobou o Plan provincial de cooperación ás obras e servizos de competencia municipal (Plan único de concellos) POS+ 2021 e o seu Plan complementario

Logo de ver o acordo plenario desta deputación do 26 de novembro de 2021, polo que se aprobou a 2ª e derradeira fase do Plan provincial de cooperación ás obras e servizos de competencia municipal (Plan único de concellos) POS+ Adicional 2/2021 por maior achega provincial

Logo de ver que na relación dos investimentos que se inclúen no POS+ Adicional 2/2021 figura, entre outras, a obra do Concello de Zas denominada "Reparación fachadas centro social e acceso exterior. Zas", co código 2021.2012.0649.0

Visto que o concello aprobou un proxecto modificado desta obra, que aínda non está adxudicada, cun orzamento de contrata de 113.476,85 € que en relación co proxecto inicial cuxo orzamento ascendía á cantidade de 88.239,64 €, supón un incremento de 25.237,21 € que é asumido integramente polo Concello de Zas, que foi redactado coa finalidade de actualizar os prezos das unidades de obra para a súa adaptación á realidade de mercado sen modificar tecnicamente o proxecto, e que conta cos informes técnicos e xurídicos favorables

De acordo coa normativa vixente, o Pleno da Deputación Provincial da Coruña ACORDA

1.- Aprobado o proxecto modificado da obra do Concello de Zas denominada "Reparación fachadas centro social e acceso exterior. Zas", incluída no Plan provincial de cooperación ás obras e servizos de competencia municipal (Plan único de concellos) POS+ Adicional 2/2021, co código 2021.2012.0649.0, cun orzamento de contrata de 113.476,85 €, que en relación co orzamento do proxecto inicial que ascendía a 88.239,64 €, supón un incremento de 25.237,21 €, que é asumido integramente polo concello, que recolle as modificacións necesarias para a actualización dos prezos das unidades de obra para a súa adaptación á realidade de mercado, que non modifica tecnicamente o proxecto, e que se financia como se indica na seguinte táboa:



<b>Concello de Zas "Reparación fachadas centro social e acceso exterior. Zas" Código 2021.2000.0649.0</b>	<b>PROXECTO INICIAL</b>	<b>PROXECTO MODIFICADO</b>	<b>DIFERENZA</b>
<b>Deputación</b>	88.239,64	88.239,64	0,00
<b>Concello</b>	0,00	25.237,21	25.237,21
<b>Total</b>	<b>88.239,64</b>	<b>113.476,85</b>	<b>25.237,21</b>

2.- Na partida 0430/4592/76201 do vixente orzamento provincial existe crédito adecuado e suficiente para o financiamento da achega provincial a esta obra. O Concello de Zas asume integramente o incremento experimentado no orzamento de contrata deste investimento con motivo da modificación do proxecto técnico da obra, por importe de 25.237,21€, co compromiso dese concello de incluír no orzamento municipal os fondos necesarios para facer fronte á achega municipal do presente proxecto.

3.- Notificar este acordo ao Concello de Zas para os efectos oportunos.



**Deputación**  
DA CORUÑA

**14.- Aprobación da toma de coñecemento da información do período medio de pago a provedores (PMP) e da relación detallada das facturas pagadas pola Deputación provincial e polo Consorcio Provincial Contraincendios e Salvamento da Coruña, correspondente a marzo de 2024.**

PRIMEIRO: Dáse conta dos resultados do período medio de pago a provedores, calculado cos criterios do Real decreto 1040/2017, do 22 de decembro, polo que se modifica o Real decreto 635/2014, do 25 de xullo, da Deputación Provincial da Coruña e do seu ente dependente, Consorcio Provincial Contraincendios e Salvamento da Coruña, do mes de marzo de 2024.

SEGUNDO: Dáse conta, así mesmo, da relación detallada de todas as facturas pagadas pola Deputación Provincial da Coruña e polo Consorcio Provincial Contraincendios e Salvamento da Coruña, no mes de marzo de 2024.

TERCEIRO: Dispor que se proceda a publicación na páxina web da Deputación da documentación referida nos apartados anteriores, para xeral coñecemento.

**15.- Dación de conta do informe sobre o estado da tramitación das facturas da Deputación provincial e da remisión ao Ministerio de Facenda dos informes de Morosidade da Entidade e do seu ente dependente (Consortio Provincial Contraincendios e Salvamento da Coruña) correspondente ao primeiro trimestre de 2024.**

PRIMEIRO: Dáse conta do informe sobre o estado da tramitación das facturas da Deputación provincial e da remisión ao Ministerio de Facenda dos informes de Morosidade da Entidade e do seu ente dependente (Consortio Provincial Contraincendios e Salvamento da Coruña) correspondente ao primeiro trimestre de 2024, en cumprimento do establecido na Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais.

SEGUNDO: Dispor que se proceda a publicación na páxina web da Deputación da documentación referida no apartado anterior, para xeral coñecemento.

TERCEIRO: Dispor o envío da devandita documentación aos órganos competentes da Comunidade Autónoma.

**16.- Aprobación inicial do expediente de modificación de créditos 2/2024 de aprobación polo Pleno.**

1.- Aprobar inicialmente o expediente de modificación de crédito núm. 2/2024 de competencia do Pleno que se tramita dentro do vixente orzamento xeral por un importe 62.015.105,82 € e que ofrece o seguinte resumo:

**A NECESIDADES E FONTES DE FINANCIAMENTO**

**A.1) Aumentos (necesidades de financiamento):**

**A.2) Baixas (fontes de financiamento):**

CE. Créditos extraordinarios:	4.560.396,96	Remanente de Tesourería:	61.715.105,82
SC. Suplementos de crédito:	57.454.708,86	Maiores ingresos:	300.000,00
<b>Total aumentos:</b>	<b>62.015.105,82</b>	<b>Total financiamento:</b>	<b>62.015.105,82</b>

**B) RESUMOS POR CAPÍTULO DE GASTOS E INGRESOS**

**B.1 Resumo por capítulos do Estado de Gastos**

**B.2 Resumo por capítulos do Estado de Ingresos**

Capítulo	Altas	Baixas	Capítulo	Altas
1 Gastos de persoal	129.396,96	0,00	1 Impostos directos	0,00
2 Gastos correntes	3.021.500,00	0,00	2 Impostos indirectos	0,00
3 Gastos financeiros	0,00	0,00	3 Taxas e outros ingresos	0,00
4 Trans. Correntes	27.509.208,86	300.000,00	4 Transferencias correntes	0,00
5 Fondo continx. e o. i.	0,00	0,00	5 Ingresos patrimoniais	0,00
6 Investimentos reais	3.555.000,00	0,00	6 Alleamento investimentos reais	0,00
7 Trans. de capital	27.800.000,00	0,00	7 Transferencias de capital	0,00
8 Activos financeiros	0,00	0,00	8 Act. Finan. (Reman. Tesourería)	61.715.105,82
9 Pasivos financeiros	0,00	0,00	9 Pasivos financeiros	0,00
<b>TOTAL:</b>	<b>62.015.105,82</b>	<b>300.000,00</b>	<b>TOTAL:</b>	<b>61.715.105,82</b>

2.- Dispor a exposición ao público polo prazo de quince (15) días hábiles, mediante a publicación do oportuno anuncio no Boletín Oficial da Provincia para os efectos de reclamacións, segundo o establecido no artigo 38 en relación cos artigos 20 e 22 do citado RD 500/90.

Se transcorrido o dito prazo non se formularan reclamacións, o expediente considerárase aprobado definitivamente sen necesidade de adoptar un novo acordo. No caso de que se presentaran reclamacións, o pleno disporá do prazo dun mes para resolvelas.

3.- O resumo por capítulos do devandito expediente publicarase no Boletín Oficial da Provincia como requisito previo para a súa entrada en vigor, segundo o establecido no artigo 20.5 do citado Real decreto 500/90, do 20 de abril e os artigos 169 e 177 do Texto

refundido da lei reguladora das facendas locais, aprobado polo Real decreto legislativo 2/2004 do 5 de marzo.

Do expediente definitivamente aprobado remitírase copia á Consellería de Economía e Facenda da Xunta de Galicia e á Delegación do Ministerio de Economía, en cumprimento do disposto nos artigos 20.4 e 38.2 do Real decreto 500/1990, do 20 de abril e os artigos 169.4 e 177.2 do Texto refundido da lei reguladora das facendas locais aprobado polo Real decreto legislativo 2/2004 do 5 de marzo.

**4.-** Reiterar o compromiso provincial de orientar a xestión orzamentaria no marco das normas de estabilidade orzamentaria e sustentabilidade financeira.

**5.-** Se as obrigacións efectivamente recoñecidas ao finalizar o exercicio 2023 exceden do límite establecido na regra de gasto deberán levarse a cabo as actuacións descritas nos artigos 21 a 23 da Lei orgánica de estabilidade orzamentaria e sustentabilidade financeira, nos prazos, condicións e polo procedemento establecido neles. Coidamos que tendo en conta a resposta do Ministerio de Facenda e Función Pública a unha consulta sobre un posible incumprimento desta regra posta de manifesto nunha avaliación trimestral e o sinalado na páxina 1 do manual da aplicación PEFEL2 para a elaboración e remisión do plan económico financeiro publicada por ese Ministerio en febreiro de 2017, non haberá que adoptar medidas correctoras xa que o incumprimento ven explicado pola utilización do remanente de tesourería para financiar as incorporacións de remanentes de crédito e outras modificacións orzamentarias que non teñen carácter estrutural nin se teñen que reproducir no futuro.

**6.-** Informar periodicamente ao Pleno sobre a execución orzamentaria dos ingresos e gastos previstos e formular, cando proceda, as propostas correspondentes que aseguren en todo momento o cumprimento das normas de estabilidade orzamentaria e sustentabilidade financeira, á vista dos informes preceptivos previstos na normativa vixente.



**17.- Aprobación inicial da modificación da ordenanza fiscal número 10 reguladora da taxa por servizos no Conservatorio de Danza.**

1.- Aprobar a modificación da ORDENANZA FISCAL NÚMERO 10 REGULADORA DA TAXA POR SERVIZOS NO CONSERVATORIO DE DANZA, modificación e redacción íntegra, coa seguinte redacción:

**ORDENANZA FISCAL NÚMERO 10, REGULADORA DA TAXA POR SERVIZOS NO CONSERVATORIO DE DANZA**

**Artigo 1.- Concepto**

En uso das facultades concedidas polos artigos 133.2 e 142 da Constitución e polo artigo 106 da Lei 7/1985 reguladora das bases do réxime local, e de conformidade co disposto no artigo 132 en relación co artigo 20 do Texto refundido da lei reguladora das facendas locais aprobado polo Real decreto legislativo 2/2004 do 5 de marzo, a Deputación Provincial da Coruña establece a taxa por servizos no Conservatorio de Danza, que se rexerá pola presente ordenanza fiscal.

**Artigo 2.- Feito imponible**

Constitúe o feito imponible desta taxa a prestación de servizos polo Conservatorio de Danza.

**Artigo 3.- Suxeito pasivo**

Son suxeitos pasivos desta taxa, en concepto de contribuíntes, as persoas físicas ou xurídicas, así como as entidades a que se refire o artigo 35.4 da Lei 58/2003, do 17 de decembro, xeral tributaria, que soliciten ou resulten beneficiados ou afectados pola actividade administrativa ou servizo que constitúe o feito imponible desta taxa.

**Artigo 4.- Responsables**

Os supostos de responsabilidade, xa sexa subsidiaria ou solidaria, serán os previstos na normativa tributaria.

**Artigo 5.- Beneficios fiscais**

Nas taxas correspondentes aos servizos no Conservatorio de Danza establécese un réxime de exención do 100 por cento aos membros das familias numerosas clasificadas na categoría especial e unha bonificación do 50 por cento para os de categoría xeral. Estes beneficios fiscais deberán ser solicitados expresamente polo suxeito pasivo ante a Deputación provincial no momento de presentación da matrícula do Conservatorio de Danza.

Procederá a exención ou bonificación cando se posúa a condición de beneficiario/a de familia numerosa ao comezo do curso académico ou escolar no que se vaia aplicar. Se en tal data o título está en tramitación, poderán obterse os referidos beneficios acreditando a presentación da solicitude de recoñecemento ou renovación, así como unha declaración xurada da categoría en que a familia numerosa queda clasificada. Se

antes do 31 de decembro do ano corrente non se presenta a xustificación do título, anularanse automaticamente os beneficios concedidos e procederá o aboamento do seu importe. Cando o título concedido fose de inferior categoría á declarada, deberase aboar a diferenza que corresponda.

A perda da condición de membro de familia numerosa e o cambio de categoría durante o curso académico non alterará a percepción e contía do beneficio ata a terminación deste.

### **Artigo 6.- Devindicación**

A taxa devindícase cando se inicie a prestación do servizo ou da actividade, con periodicidade mensual.

### **Artigo 7.- Bases de imposición e tipos de gravame**

As bases de imposición e os tipos de gravame son os recollidos na seguinte tarifa:

- Cota mensual de ensinanza, calquera que sexa a súa natureza e a súa duración diaria; cada alumno, 30,00 €

Estas tarifas enténdense sen prexuízo da repercusión legal que, no seu caso, deba realizarse polos impostos indirectos que graven a prestación do servizo ou acto suxeito.

### **Artigo 8.- Normas de xestión**

1.- A cota mensual de ensinanza é obrigatoria desde o día primeiro de cada mes, ou aquel no que teña lugar a incorporación ou alta.

2.- O pago da cota mensual realizarase mediante domiciliación bancaria.

3.- A cota mensual non é fraccionable. As baixas definitivas na prestación de servizos polo Conservatorio de Danza (cota mensual de ensinanza) comunicaranse por escrito á Deputación Provincial da Coruña. As baixas producirán efectos económicos a partir do mes seguinte ao que se presente a solicitude de baixa nesta administración.

4.- A Sección I, do Servizo de Xestión Tributaria, levará a cabo a liquidación das tarifas, que a realizará mensualmente, sendo estas irredutibles.

Para os efectos sinalados, e de acordo cos apartados anteriores, o Conservatorio de Danza comunicarlle á Sección I, do Servizo de Xestión Tributaria, calquera alta, baixa ou modificación que se produza, indicándose a data de efecto da alteración.

### **Artigo 9.- Remisión á Ordenanza Fiscal Xeral**

En todo o non especialmente previsto nesta ordenanza, estarase ao disposto na Ordenanza Fiscal Xeral.

**Disposición adicional.-** A presidencia da Deputación poderá, mediante resolución, establecer as disposicións necesarias para o desenvolvemento e execución desta ordenanza.



**Disposición final.-** A ordenanza fiscal entrará en vigor o día seguinte da súa publicación no Boletín Oficial da Provincia, e comezará a aplicarse para o curso 2024/2025, permanecendo vixente ata que se acorde a súa modificación ou derogación expresa. Así mesmo derroga a Ordenanza fiscal número 10 aprobada polo Pleno na sesión do 23 de decembro de 1988, así como as súas modificacións posteriores aprobadas mediante acordos plenarios do 29 de outubro de 1999; 27 de outubro de 2000; 26 de outubro de 2001; 25 de outubro de 2002; 30 de xaneiro de 2004; 28 de outubro de 2004; 27 de outubro de 2005; 26 de outubro de 2006; 26 de febreiro de 2010; 28 de outubro de 2011; 26 de outubro de 2012; 25 de outubro de 2013 e 28 de setembro de 2018.

2.- Expoñer ao público o presente acordo, durante o prazo de 30 días, para que os interesados poidan examinar o expediente e presentar as reclamacións e suxestións que estimen oportunas, no taboleiro de anuncios desta Deputación, no Boletín Oficial da Provincia e nun diario dos de maior difusión da Provincia segundo establecen os artigos 49.b da Lei 7/85, de 2 de abril, de bases do réxime local e o artigo 17 do Texto refundido da lei reguladora das facendas locais aprobado polo Real decreto legislativo 2/2004 de 5 de marzo.

3.- Entender que a aprobación inicial é definitiva, no caso de que, transcorrido o período de información pública, non se presentase ningunha reclamación ou suxestión, sen necesidade de adoptar novo acordo plenario.

4.- Publicar o acordo e a redacción íntegra da ordenanza fiscal número 10 reguladora da taxa por servizos no Conservatorio de Danza para a súa entrada en vigor:

a) Se non se producisen reclamacións contra esta, de conformidade co sinalado no artigo 17.4 do Texto refundido da lei reguladora das facendas locais aprobado polo Real decreto legislativo 2/2004 de 5 de marzo, a ordenanza publicarase no Boletín Oficial da Provincia e entrará en vigor o día seguinte ao da súa publicación e comezará a aplicarse para o curso 2024/2025.

b) Se se producisen reclamacións, unha vez que se resolvan estas, a Corporación adoptará o acordo definitivo que proceda, aprobando a redacción definitiva da ordenanza así como a data a partir da cal rexeirá esta, tras a súa publicación no Boletín Oficial da Provincia segundo o previsto no artigo 17.4 do Texto refundido da lei reguladora das facendas locais aprobado polo Real decreto legislativo 2/2004 de 5 de marzo.

**18.- Aprobación da formalización dun convenio administrativo de colaboración co Centro de Extensión Universitaria e Divulgación Ambiental de Galicia (CEIDA) para cofinanciar o Programa de educación, capacitación, divulgación e participación ambiental: para unha transición ecolóxica 2024.**

Vistos os informes e demais antecedentes sobre a proposta de formalización dun convenio administrativo co Centro de Extensión Universitaria e Divulgación Ambiental de Galicia-CEIDA para cofinanciar o “Programa de Educación, Capacitación, Divulgación e Participación Ambiental para unha transición ecolóxica 2024, proponse á Comisión de Industria, Emprego, Política Demográfica e Medio Ambiente, a toma en consideración do seguinte acordo:

1. Acreditadas as condicións especiais da entidade solicitante e o seu programa de actuacións, salvar o reparo da Intervención Xeral e Xestión Económica Financeira e exceptuar para o presente convenio os principios de concurrencia, publicidade, igualdade e non discriminación na tramitación do presente expediente, dada a existencia de causas excepcionais que xustifican a concesión da subvención nominativa, por entender que se dan razóns de interese público no outorgamento da subvención, principios recollidos nos arts. 22.2 da Lei 38/2003, Xeral de subvencións e 65 a 67 do seu regulamento.
2. Aprobar a formalización dun convenio de colaboración co Centro de Extensión Universitaria e Divulgación Ambiental de Galicia-CEIDA , para regular a achega de 150.000,00 € para cofinanciar os “Programa de Educación, Capacitación, Divulgación e Participación Ambiental para unha TRANSICIÓN ECOLÓXICA 2024”, cun orzamento subvencionado de 187.500,00€, o que supón un coeficiente de financiamento do 80 % extendendo a súa vixencia ata o 31 de agosto de 2025 e as actividades terán carácter retroactivo para os efectos de imputación dos gastos, e abranguerán as datas entre o 1 de xaneiro do 2024 e o 31 de decembro de 2024.
3. Imputar o gasto ao documento RC núm. de operación 220240000117, da aplicación orzamentaria 0520/17221/46701, do vixente Orzamento Xeral.
4. Aprobar o texto do convenio que se transcribe e facultar ao Presidente da Corporación para a súa formalización e execución.

Número /2024

**CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CENTRO DE EXTENSIÓN UNIVERSITARIA E DIVULGACIÓN AMBIENTAL DE GALICIA (CEIDA) PARA FINANCIAR O “PROGRAMA DE EDUCACIÓN, CAPACITACIÓN, DIVULGACIÓN E PARTICIPACIÓN AMBIENTAL: PARA UNHA TRANSICIÓN ECOLÓXICA PARA A ANUALIDADE 2024”**

Na Coruña, a de de na sede da Deputación Provincial da Coruña

Ante min, Amparo Taboada Gil, Secretaria Xeral da Deputación Provincial da Coruña, como fedataria actuante

## REUNIDOS

Dunha parte, \_\_\_\_\_, en representación da Deputación Provincial da Coruña,

Doutra parte, \_\_\_\_\_, en representación do Centro de Extensión Universitaria e Divulgación Ambiental de Galicia (CEIDA)

Actuando no exercicio dos seus respectivos cargos e na representación que detentan, e recoñecéndose reciprocamente capacidade para obrigarse nos termos deste documento.

## MANIFESTAN

Que o Centro de Extensión Universitaria e Divulgación Ambiental de Galicia (CEIDA) foi creado mediante convenio de colaboración suscrito o 5 de decembro de 1997 pola Consellería de Medio Ambiente da Xunta de Galicia, a Universidade da Coruña e o Concello de Oleiros.

Con data do 22 de setembro de 2000 as administracións citadas asinaron un novo convenio coa finalidade de establecer o réxime de funcionamento, a provisión de prazas e o regulamento interno e, en xeral, mellorar a xestión do Centro.

Que os fins do CEIDA son a información, formación e educación ambiental e a extensión universitaria, para o que desenvolve as seguintes actividades:

- \* Establecer un sistema de recollida de información ambiental co fin de crear un fondo documental e un banco de datos medioambientais que permita difundir todo tipo de información.
- \* Fomentar a formación ambiental a todos os niveis, tanto a especialistas, técnicos e profesionais de diversos colectivos, como público en xeral.
- \* Complementar as actividades desenvoltas pola Consellería de Medio Ambiente, polo Concello de Oleiros e pola Universidade da Coruña nas materias sinaladas.

Que a Deputación da Coruña, que ten entre as súas competencias o fomento da protección do medio ambiente, a posta en valor dos espazos naturais, recoñece a importancia do labor que o CEIDA desenvolve.

Que o CEIDA ten entre os seus proxectos o **“Programa de Educación, Capacitación, Divulgación e Participación Ambiental: para unha Transición Ecolóxica 2024”** que a través da Deputación de Coruña pode chegar a un maior número de colectivos da provincia.

Que, en virtude das consideracións anteriores, a Deputación da Coruña e o Centro de Extensión Universitaria e Divulgación Ambiental de Galicia (CEIDA) acordan subscribir o presente convenio de colaboración dacordo coas seguintes

## CLÁUSULAS

### I. OBXECTO

O presente convenio ten por obxecto establecer as bases de colaboración entre a Deputación Provincial da Coruña e o CEIDA (NIF: V15653298) para financiar o

**“Programa de Educación, Capacitación, Divulgación e Participación Ambiental: para unha Transición Ecolóxica 2024”, no que se integran as seguintes actividades:**

1. Programa de Educación Ambiental para unha Transición Ecolóxica:
  - Emerxencia Climática
  - Lixo Mariño
  - Espazos Naturais Protexidos:
    - P.N. Fragas do Eume
    - P.N. Dunas de Corrubedo e Lagoas de Carregal e Vixán
  - Reserva Biosfera Mariñas Coruñesas e Terras de Mandeo:
    - O mar e a costa, recursos valiosos para todos/as
    - A Illa de Sta Cruz, un rico patrimonio natural e histórico
  - Soberanía Alimentaria
2. Programa de Capacitación para unha Transición Ecolóxica:
  - Conservación, posta en valor e interpretación temática do patrimonio natural e cultural dos espazos naturais protexidos: Fragas do Eume, Dunas de Corrubedo e Reserva de Biosfera Mariñas Coruñesas e Terras do Mandeo
  - Emerxencia climática
  - Cultura oceánica e a problemática do lixo mariño
3. Programa de divulgación ambiental: Exposicións itinerantes
4. Programa de asesoramento e documentación ambiental:
  - Préstamo de fondos bibliográficos e asesoramento
  - Maletas Viaxeiras: maleta mariñeira e maleta climática
  - Conversas naturalistas
5. Elaboración de materiais
6. Plan de comunicación

## II. ORZAMENTO DE GASTOS DA ACTIVIDADE A REALIZAR

O CEIDA desenvolverá as actividades programadas, segundo se definen na cláusula anterior, consonte ao seguinte orzamento:

CONCEPTO		IMPORTE
PERSOAL	Director Programa	35.600,00 €
	4 Educadores/as ambientais	56.100,00 €
	Documentalista	12.700,00 €
	Administrativo/a	14.500,00 €
	Aux. Administrativo/a	9.900,00 €
Seguro accidentes e R.C.		850,00 €
Material/servizos (mat.funxible, desprazamentos, asistencia, etc.)		49.150,00 €
Gastos diversos (teléfono, dietas, limpeza, informática, etc.)		8.700,00 €
<b>TOTAL</b>		<b>187.500,00 €</b>

## III. FINANCIAMENTO PROVINCIAL E OUTROS INGRESOS PARA A MESMA FINALIDADE

1. A Deputación Provincial da Coruña contribuirá ao financiamento da actividade, tal como

se define na cláusula primeira, cunha achega máxima de **150.000,00 €**, o que representa unha porcentaxe do **80 %**. A cantidade restante, ata alcanzar o importe total do orzamento da actividade, está financiada con cargo a recursos propios ou alleos, acreditando a entidade beneficiaria que ten consignado o crédito axeitado e suficiente para imputar a totalidade do gasto correspondente á entidade.

2. No caso de que o gasto xustificado non acadase o importe total previsto na cláusula segunda, a Deputación só achegará o importe que represente o 80 % da cantidade efectivamente xustificada. Agora ben, se a cantidade xustificada resulta inferior ao 75 % do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3. O importe do financiamento provincial farase efectivo con cargo á aplicación orzamentaria 0520/17221/46701, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

4. A subvención da Deputación é compatible coa percepción doutras subvencións ou axudas, públicas ou privadas, que o CEIDA obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

5. No caso de que a concorrencia de axudas ou subvencións supere o importe do gasto efectivamente xustificado, minorarase a aportación provincial no importe necesario para darlle estricto cumprimento ao apartado anterior.

#### **IV. CONTRATACIÓN E EXECUCIÓN**

1. O outorgamento dos contratos de servizos, asistencia ou subministros necesarios para a execución do obxecto do convenio corresponderalle á entidade beneficiaria.

Non se poderá contratar a realización de prestacións con persoas ou entidades vinculadas á entidade beneficiaria, nin con calquera outra na que concorran algunhas das circunstancias ás que se refire o artigo 29.7 da Lei 38/2003, de 17 de novembro, Xeral de subvencións.

2. Se o importe dalgunha das prestacións supera 15.000,00 euros, con carácter previo á contratación, a entidade beneficiaria deberá solicitar alomenos tres orzamentos a distintos provedores. Entre as ofertas recibidas deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

3. No caso de que a entidade beneficiaria tramite e aprobe algunha modificación do proxecto inicialmente aprobado, así como do contrato adxudicado, deberá remitir á Deputación un exemplar do Proxecto modificado, achegando co mesmo os informes emitidos e a certificación do correspondente acordo.

#### **V. PUBLICIDADE DO FINANCIAMENTO PROVINCIAL**

1. Na publicidade pola que se dea a coñecer a realización das actividades, por medios escritos, radiofónicos, audiovisuais ou internet, deberase facer constar sempre o



financiamento da Deputación Provincial da Coruña.

2. Coa memoria e conta xustificativa achegaranse documentos que acrediten o cumprimento desta obriga da entidade beneficiaria.

## **VI. XUSTIFICACIÓN NECESARIA PARA RECIBIR A ACHEGA PROVINCIAL**

A achega da Deputación seralle abonada á entidade beneficiaria unha vez que se presente a seguinte documentación:

a. Memoria de actuación, subscripta polo representante da entidade, xustificativa do cumprimento das condicións impostas neste convenio, coa indicación das actividades realizadas e dos resultados obtidos.

b. Certificación clasificada dos gastos realizados, na que se indiquen os acredores co seu NIF, os documentos xustificativos, os importes e, se fora o caso, datas de pago; tamén se indicarán as desviacións con respecto ao orzamento detallado na cláusula segunda.

Con esta relación achegaranse os orixinais ou copias debidamente compulsadas das facturas e demais xustificantes de gasto; no caso de que se presenten copias compulsadas, con carácter previo á compulsas deberá estenderse unha dilixencia sobre o orixinal na que se deixe constancia de que foi presentada como xustificante de gasto para o cobro dunha subvención outorgada pola Deputación da Coruña.

Os gastos e as correspondentes facturas referiranse exclusivamente ás actividades realizadas durante o presente ano.

c. Declaración relativa á repercusión do IVE que, se fora o caso, inclúan as facturas xustificativas do gasto realizado. De acordo co disposto no art. 31.8 da Lei xeral de subvencións, o IVE será subvencionable no caso de que non sexa deducible pola entidade.

d. Autorizacións individuais asinadas por cada traballador/a con salario subvencionado, para a cesión á Deputación da Coruña dos datos persoais relacionados co seu contrato de traballo.

e. Certificación da aprobación das facturas e demais documentos xustificativos polo órgano competente.

f. Acreditación do cumprimento das obrigas tributarias e coa Seguridade Social, segundo o previsto na cláusula oitava.

g. Declaración de todos os ingresos de natureza pública ou privada obtidos para a mesma finalidade, con indicación do seu importe e procedencia, así como dos propios ingresos que xere a actividade subvencionada ou, pola contra, manifestación de que non se obtiveron outros ingresos para mesma finalidade, asinada polas persoas que exerzan a responsabilidade de tesouraría e a representación legal da entidade.

h. Acreditación do cumprimento da obriga de facer constar a colaboración da Deputación da Coruña en toda a información (impresa, informática ou audiovisual) que fixera das actividades subvencionadas.



## **VII. TERMO PARA A REALIZACIÓN DA ACTIVIDADE E PRAZO DE XUSTIFICACIÓN**

1. As actividades que son obxecto de financiamento provincial, tal como están descritas na cláusula primeira, deberán estar realizadas entre o 1 de xaneiro e o 31 de decembro de 2024.

2. Unha vez rematadas as actividades, o CEIDA deberá presentar a xustificación documental á que se refire a cláusula sexta antes do vencemento do período de vixencia do convenio establecido na cláusula XIII.

3. De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requirimento ao CEIDA para que a presente no prazo improrrogable de quince días.

A falta de xustificación da subvención neste prazo excepcional conlevará a perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá ao CEIDA da sanción que, de conformidade co disposto na Lei de subvencións e na Ordenanza Xeral de Subvencións e Transferencias da Deputación, lle poida corresponder.

4. O aboamento da subvención materializarase mediante ingreso na conta da entidade financeira indicada polo CEIDA na documentación presentada.

## **VIII. ACREDITACIÓN DO CUMPRIMENTO DAS OBRIGAS TRIBUTARIAS E COA SEGURIDADE SOCIAL**

1. O CEIDA deberá estar ao día, con carácter previo á sinatura deste convenio, e logo, con carácter previo ao pagamento da subvención, no cumprimento das obrigas tributarias coa Administración do Estado, coa Comunidade autónoma, coa Deputación Provincial da Coruña, e coa Seguridade Social.

2. A acreditación do cumprimento de ditas obrigas poderá realizarse mediante declaración responsable expedida autorizada polo órgano competente, mediante a presentación dos correspondentes certificado ou ben autorizando á Deputación a que obteña telemáticamente os correspondentes certificados.

3. A acreditación do cumprimento das obrigas tributarias coa Deputación Provincial determinarase de oficio por ésta.

## **IX.- DESTINO E MANEXO DOS FONDOS RECIBIDOS**

1. O CEIDA destinará os fondos recibidos ao pagamento dos xustificantes de gasto presentados.

2. Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor; só excepcionalmente se poderá

realizar o pago en metálico para gastos de ata 150,00 €, nos que non resulte posible a utilización dun dos medios anteriormente indicados.

3. Sen prexuízo dos libros e rexistros contables que as normas xerais ou sectoriais lle poidan impor, o CEIDA deberá contar alomenos cun rexistro cronolóxico de cobros e pagamentos nos que se inclúan, entre outros, os relativos aos gastos xustificadas e aos ingresos declarados con respecto a esta subvención.

## **X. CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO**

1. Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, o CEIDA poderá ser escolleito pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.

2. Asemade, de acordo co previsto na lei 6/1985, de 24 de xuño, do Consello de Contas de Galicia, o CEIDA queda sometido aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de enxuciamiento contable que poida incoar o Tribunal de Contas, e a calquera outro órgano de control, nacional ou europeo.

## **XI. REINTEGRO, INFRACCIÓNS E SANCIÓNS**

1. O incumplimento dalgunha das cláusulas previstas no presente convenio de colaboración poderá conlevar a obriga de reintegro parcial ou total dos fondos recibidos, así como ao pago dos xuros de demora que se devenguen desde o día no que se realizou o pago ata o momento no que se acorde a procedencia do reintegro. O procedemento de reintegro iniciárase de oficio na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2.- Sen prexuízo do anterior, o incumplimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, sendo de aplicación o cadro de sancións previsto nas normas citadas e na Ordenanza provincial xeral de subvencións e transferencias (BOP nº 36, do 24 de febreiro de 2021).

3.- Para os supostos de retraso na realización das actividades ou na presentación da xustificación estarase ao disposto na Ordenanza provincial xeral de subvencións e transferencias (BOP nº 36, do 24 de febreiro de 2021).

## **XII. INCORPORACIÓN AO REXISTRO PÚBLICO DE SUBVENCIONS E PUBLICIDADE DA SUBVENCIÓN CONCEDIDA**

1. No cumprimento do disposto no artigo 20.1 da Lei 38/2003, xeral de subvencións, e

demais normativa de desenvolvemento, os datos da subvención concedida e a identificación da entidade beneficiaria serán remitidas á Intervención Xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto.

2. Asemade, no cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.

3. Un exemplar deste convenio, debidamente asinado, será incorporado ao rexistro de convenios que depende do Servizo de Contratación da Deputación.

### **XIII. VIXENCIA DO CONVENIO, PRÓRROGA OU MODIFICACIÓN**

1. O prazo de vixencia do presente convenio finalizará o 31 de agosto de 2025 e terá efectos retroactivos, polo que as actividades contempladas nel poderán terse realizado dende o 1 de xaneiro de 2024.

2. Para o caso de que o CEIDA non poda presentar a xustificación antes do 31 de agosto de 2025, deberá solicitar antes desta data, a prórroga do prazo inicial de xustificación, achegando unha solicitude motivada, co fin de que a Deputación poida acreditar a existencia de crédito adecuado e suficiente para o pago que proceda, do importe correctamente xustificado. Acreditada esta circunstancia, a Deputación poderá conceder a prórroga solicitada, que en ningún caso poderá exceder do 31 de outubro de 2025. A esta data, o convenio quedará definitivamente extinguido, de xeito que a entidade beneficiaria perderá o dereito ao cobro do importe correspondente á contía non xustificada a dita data.

3. Tamén, por acordo expreso de ambas as dúas partes e previos os informes da Unidade Xestora, do Servizo de Contratación, da Secretaría Xeral e da Intervención Provincial da Deputación, o convenio poderá ser obxecto de modificación. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario.

### **XIV. NATUREZA, INTERPRETACIÓN, MODIFICACIÓN E XURISDICIÓN COMPETENTE**

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de subvencións, e na Lei 9/2007, de 13 de xuño, de subvencións de Galicia; supletoriamente aplicarase a lexislación de contratos do sector público.

2. A interpretación das dúbidas e lagoas que poidan xurdir na aplicación do presente convenio corresponderalle ao Presidente da Deputación, previos os informes preceptivos da Unidade xestora, da Secretaría e da Intervención provincial.

3. Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.



**Deputación**  
DA CORUÑA

Faise constar que o presente convenio foi aprobado por acordo do Pleno Corporativo de data \_\_\_\_\_ de \_\_\_\_\_

E en proba de conformidade asinan por duplicado exemplar o presente convenio no lugar e data indicados no encabezamento.

Pola Deputación provincial da Coruña

Polo CEIDA

**Asdo:**

A Secretaria Xeral da Deputación Provincial A Coruña

**Asdo:**

**Asdo.**

**Moción que presenta o Grupo Provincial Popular de a Deputación de A Coruña, sobre a normativa respecto dos galiñeiros de autoconsumo.**

En xullo do 2021 o Goberno central publicaba o Real Decreto 637/2021, polo que se regulan as normas básicas de ordenación das granxas avícolas, incluíndo no seu ámbito de aplicación as explotacións de autoconsumo. Isto implica que estas explotacións - currais familiares que crían aves para consumo familiar e que non comercializan nin aves nin os seus produtos (ovos ou carne) deben estar rexistradas no rexistro xeral de explotacións gandeiras.

O artigo 16.5 determina o seguinte: "Los titulares de las explotaciones de autoconsumo, tal y como se definen en el artículo 2.h), estarán obligadas a efectuar una comunicación previa para que se incluyan en el Registro general de explotaciones ganaderas."

Dende o Partido Popular compartimos o malestar da poboación galega fronte a estes requisitos impostos polo Goberno central ao supoñer máis carga burocrática e trabas para aqueles propietarios que non sacan ningún beneficio económico destas explotacións ao non poder comercializar.

Temos constancia que dende a Xunta de Galicia se presentaron alegacións en cada un dos trámites de desenvolvemento normativo seguido polo Real Decreto 637/2021, do 27 de xullo, e que estas non foron atendidas. Unha vez máis o Goberno central impuxo á sociedade unha normativa que non atende ás especificidades do noso territorio. Concretamente unha das peticións do goberno galego era que as explotacións de autoconsumo deberían quedar fóra do ámbito de aplicación deste Real Decreto, coa cal estamos en total consonancia.

As oficinas rurais, que é o organismo encargado de atender este tipo de consultas e rexistrar as explotacións de xeito gratuito, están tendo unha maior carga de traballo xa que atendendo á normativa vixente son as responsables de asesorar e rexistrar estas explotacións.

Non obstante, a pesares de que os cidadáns teñen a posibilidade de rexistrarse e recibir o código REGA de maneira online, en moitas ocasións, dita poboación non ten os coñecementos e accesos suficientes para facelo, o cal supón unha complicación máis.

Lamentamos que o Goberno central non teña en conta ás comunidades autónomas e continúe no seu empeño de legislar de costas ao territorio, sen atender ás peculiaridades de cada zona.

En Galicia, dada a particular estrutura de poboación existente no territorio, poderíase estimar unha cifra de máis de 50.000 explotacións coa súa correspondente actividade, que supón unha carga de traballo inxente e pouco eficaz.

Insistimos que o sector primario soporto unha carga burocrática excesiva, tanto profesional como para aquelas de autoconsumo, que implica un abandono tanto das explotacións e desaparición das mesmas como tamén fomentase o abandono do rural.

Ante esta situación, propónse ao Pleno da Corporación de a adopción do seguinte ACORDO:

"Instar ao Goberno de España a que modifique o Real Decreto 637/2021, de 27 de xullo, polo que se establecen as normas básicas de ordenación das granxas avícolas, para suprimir a obrigatoriedade de rexistro das explotacións avícolas para autoconsumo, agás decisión da autoridade competente naquelas explotacións en función do risco sanitario ou criterios de ordenación sectorial da Comunidade Autónoma."

## **Moción que presentan os Grupos Provinciais do PSdeG-PSOE e BNG relativa o financiamento da Xunta de Galicia do Servizo de axuda no fogar**

A Lei 39/2006, do 14 de decembro, de promoción da autonomía persoal e atención ás persoas en situación de dependencia, marcou un antes e un despois no sistema de benestar do noso país.

Na dita lei establécese que as Entidades Locais participarán na xestión dos servizos de atención ás persoas en situación de dependencia, de acordo coa normativa das súas respectivas Comunidades Autónomas e dentro das competencias que a lexislación vixente lles atribúe, correspondéndolle ao Estado e ás Comunidades Autónomas establecer os pertinentes Convenios que establecerán o financiamento que corresponda a cada Administración, e que estes Convenios recollerán as achegas do Estado derivadas da garantía do nivel de protección.

Polo tanto, a competencia anunciadora do sistema é do Estado e da Xunta de Galicia e os Concellos son os que teñen a competencia na prestación do servizo.

Pero a realidade é ben distinta, vemos como Servizo de Axuda no Fogar (SAF) tense convertido nunha pesada carga económica para os concellos de Galicia. Hai pequenos concellos rurais para os que este servizo xa é o máis oneroso, por enriba mesmo da limpeza viaria e recollida de lixo, algo impensable hai apenas uns anos.

A Xunta manifesta reiteradamente que o SAF é o pilar fundamental sobre o que descansa o sistema de dependencia en Galicia. A propia conselleira ten declarado, para xustificar a escasa dotación de prazas públicas en residencias, que a idiosincrasia galega propicia que a xente maior prefira permanecer nas súas casas.

A Xunta límitase a anunciar autorizacións no número de horas que pode prestar cada concello para posibilitar a entrada de novas persoas no sistema. E presenta isto como unha resposta ás necesidades. Sen embargo, a máis horas e máis persoas, o desfase económico para os concellos, nun servizo que correspondería atender directamente á Consellería de Política Social, incrementábase. E mentres a Xunta mantén controlados os seus custos, toda vez que ten a potestade para regular e manter a conxelación no prezo do módulo/hora, os gastos municipais dispáranse porque son os concellos os que licitan e adxudican un servizo que se encarece ano tras ano, especialmente nos concellos máis rurais e máis avellentados, que casualmente son os que dispoñen de menos recursos económicos.

A maiores, a realidade é que nos últimos anos o incremento do IPC e a implantación das medidas de mellora das condicións laborais das persoas traballadoras do sector teñen provocado un aumento máis que considerable do custe da prestación deste servizo, sen que o Goberno Autonómico do PP teña feito achega algunha tendente a, dunha vez por todas cumprir coa súa obriga competencial de financiamento do servizo e as paliar estes elevados custes que están a soportar os concellos e que non lles corresponden.

Son os concellos os que teñen asumido ao longo de todo este tempo os incrementos do prezo/hora para poder garantir un servizo de calidade e unhas condicións de traballo dignas do persoal do Servizo de Axuda no Fogar, incrementando o importe dos

contratos nos orzamentos municipais, sen ningunha clase de achega adicional por parte da Xunta de Galicia.

Deste xeito, na actualidade atopámosmos con que moitos dos concellos non teñen capacidade económica para atender os altos prezos da hora de prestación do servizo.

A situación actual é que o custe dunha hora de Servizo de Axuda no Fogar supón a día de hoxe entre 22 e 24 euros, dos que a Xunta, contando coas achegas económicas que lle fai o Estado para este servizo achega 12 euros; mentres que os concellos e os usuarios achegan o resto (entre 10 e 12 euros) cos seus fondos propios.

Isto, sumado a que o SAF é un servizo cada vez máis demandado debido ao envellecemento da poboación, produce que os municipios teñan que asumir importantes cargas económicas, que se incrementan ano a ano e hipotecan o seu futuro económico. En moitos concellos, o SAF supón xa un de cada tres euros dos que dispoñen os concellos para gastos correntes. Esta situación vese agravada coa nova lexislación estatal que reduce a parte do copagamento que deben asumir os usuarios do servizo de Axuda no Fogar para que sexa asumida pola administración. Unha medida social coa que estamos de acordo, pero o que non podemos aceptar é que este incremento do gasto se volva a repercutir unha vez máis nos concellos. A Xunta é quen ten as competencias e é quen debe asumir ese incremento do gasto.

Se contraponemos as achegas da Xunta de Galicia coas do Goberno do Estado, obtemos os seguintes datos:

Galicia: a Xunta de Galicia reduce os fondos propios da partida destinada ao SAF no 2023 en 3 millóns de euros:

Ano 2022: 50,3 millóns de euros

Ano 2023: 47,4 millóns de euros

Estado: o Goberno de Pedro Sánchez aumentou no 2023 as achegas do goberno do Estado en 13,9 millóns de euros, pasando dos 51,3 millóns de euros no ano 2022 aos 65,2 millóns de euros no ano 2023, e incluso recibiu importantes fondos estatais específicos para axilizar as listas de espera por parte do “Plan de Choque de la Dependencia” do Goberno de España.

En resumo, mentres o Goberno de España aumenta os recursos destinados ao SAF para Galicia, o goberno da Xunta de Galicia reduce os fondos autonómicos para esta partida.

É claro que é a Xunta de Galicia a quen lle corresponde financiar esta competencia, polo que corresponde demandar que a Xunta incremente a súa achega, aliviando a economía dos concellos, que son os que realmente están a padecer a pasividade do goberno autonómico do PP, recordando unha vez máis que os verdadeiros prexudicados desta falla de acción da comunidade autónoma son as persoas destinatarias da prestación deste servizo, as persoas dependentes.

Cabe recordar a maiores que o Fondo de Cooperación Local da Xunta leva unha década conxelado, o que sumado a asunción por parte dos Concellos no financiamento de competencias impropias, está a facer perigar a sustentabilidade económica dos servizos públicos no futuro.



Polo tanto, estamos no momento de solucionar o grave problema do infrafinanciamento do SAF e poñerse de lado dos concellos, polo que dende os Grupos Provinciais do PSdeG e BNG propoñemos a adopción dos seguintes acordos:

O Pleno da Corporación Provincial da Deputación da Coruña insta á Xunta de Galicia e ao Estado a:

1. Instar ao Estado a que cumpra coas aportacións establecidas na Lei de Dependencia.
2. Asumir o custo derivado da redución do copagamento provocado pola entrada en vigor da Lei 10/2023, de 28 de decembro, de medidas fiscais e administrativas que a día de hoxe asumen os Concellos de Galicia.
3. Aumentar o financiamento autonómico e estatal do Servizo de Axuda no Fogar para que os concellos non teñan que asumir o financiamento e poidan desenvolver correctamente este servizo ante o incremento de custos.
4. Dotar dos medios e recursos humanos e materiais aos equipos de valoración de dependencia para reducir as listas de agarda.
5. Exercer as súas funcións de mediadora nas negociacións entre as empresas e os axentes sociais para tratar de que se alcance un acordo do convenio colectivo do sector.